

鐵

厓

詠

史

註

鐵厓咏史註卷之六

目錄

南八兒

厲鬼些

白衣山人

青岩山人

白將軍

李五父

哥奴塚

免冑行

奴材篇

晉州男子

汝州公

顏太師

藍面鬼

破桐葉

孔巢父

陳醫者

喜鵲兒

柿林院

行行臨賀尉

山棚客

興橋行

石忠烈

韓宣尉

鐵厓咏史註卷之六

諸暨楊維禎廉夫著 同邑後學樓卜瀍西濱註

趙元度萬涵

訂

金宗涵育齋

南八兒

霽雲起微賤搯舟人也張巡被圍築臺募萬死一生者數日無一人應俄有暗鳴而來者乃霽雲也其不畏死也可知南八男兒死不可為不義屈雖巡不叮寧其有不死者耶其乞援賀蘭憤氣見於射塔之矢而志不遂也君子悲之為賦此章以繼

無衣之詩

南八兒嚙指示千人呼血誠豈減申包胥臨淮節度真狗
奴我歌無衣獲淚濡嗚呼我歌無衣獲淚濡

新書南霽雲傳少微賤為人搽舟又巡被圍築臺募萬
死一生者數日一無敢應俄有暗嗚而來者乃霽雲也
張巡傳以刀脅降巡不屈又降霽雲未應巡呼曰南八
男兒死爾不可為不義屈霽雲亦不肯降又巡遣如臨
淮告急進明初無出師意霽雲請置一指以示信因拔
佩刀斷指一座大驚抽矢叩射佛寺浮屠矢着甕曰吾
破賊還必滅賀蘭此矢所以志也高仙芝傳賀蘭進明
好啖狗糞左傳定公四年申包胥如秦乞師立依於庭
牆而哭日夜不絕聲勺飲不入
口七日秦哀公為之賦無衣

厲鬼此

巡守睢陽志節與金石爭勁日月爭光古今無以

尚矣猶讓其食盡食愛妾至大括城中婦人食之
繼以男子陷於殘忍夫守城為民而食民以守城
何異戕四肢而欲保身家者吁巡之食人非其本
心將為掠兵之俟耳余獨疑厲鬼之言訖不能殺
慶緒殺子奇殺進明也豈幽明二道耶抑後來新
店之戰其有陰兵助鶻而猝至者耶人不得而知
也為作此厲鬼辭

張孤忠掘鼠羅雀食不充啖妾啖婦人啖敢飽我躬生不
能殺賊死誓厲鬼為鬼雄厲兮擎陰霧呼靈風南山之背

黃埃之中

重為此曰

虺走虜兮彗掃鄴宮奇死兮莊降

叶

厲兮歸來兮昂之

西尾之東勿終為鬼雄

新書張巡傳賊攻城士病不能戰巡西向拜曰孤城備竭弗能全臣生不報陛下死為鬼以厲賊又巡出愛妾曰諸君經年乏食而忠義不少衰吾恨不割肌以啖衆寧惜一妾而坐視士飢乃殺以大餐坐者皆泣巡強令食之又巡被圍久初殺馬食既盡而及婦人老弱凡食三萬口人知將死而莫有畔者城破遺民止四百而已議者或謂巡始守睢陽衆六萬既糧盡不持滿按隊出再生之路與夫食人寧若全人於是張濬李紆董南史張建封樊晃朱巨川李翰咸謂巡蔽遮江淮沮賊勢天下不亡其功也翰等皆有名士由是天下無異言綱目廣平王儼郭子儀等與賊遇於新店賊依山而陳子儀等初與之戰不利回紇自南山襲其背於黃埃中發十餘矢賊驚頽曰回紇至矣遂潰又嚴莊來降以為司農卿又陳留人殺尹子奇樂城降

白衣山人

泌乞歸衡山詔賜居服給三品料又為築室山中
後再起於德代兩朝此山人多此一出也

鬼谷生非隱淪入朝市
仙人翰林待詔講老子靈武上
書稱國賓二聖懽侯子斃五父挾牝啼君王饒鳥喙飄然
冥鴻在天際
樛枝松破桐葉出處語默何從容
兩京之功
不必錄魯連子陶朱公吾將與汝尋赤松

新書李泌傳欲授以官固辭願以客從入議國事出陪
輿輦衆指曰著黃者聖人著白者山人又崔圓李輔國
以泌親信疾之泌畏禍願隱衡山有詔給三品祿賜隱
士服為治室廬泌嘗取松樛枝以隱背名曰養和後得
如龍形者因以獻帝四方爭效之又代宗立召至舍蓬
萊殿書閣又德宗在奉天召赴行在又贊曰泌本居鬼
谷而史臣謬言好鬼道以解釋既又著泌數與靈仙接
言舉不經又天寶中詣闕召講老子有法得待詔肅林

又肅宗即位靈武物色求訪會泌亦自至建寧王倓傳
記侯典親軍以李輔國為府司馬時張良娣有寵與輔
國交構欲以動皇嗣者侯忠謇數為帝言之由是為良
娣輔國所譖帝惑偏語賜侯死李泌傳時李懷光叛歲
又煌旱議者欲赦懷光帝博問群臣泌破一桐葉附使
以進曰陛下與懷光君臣之分不可復合如此葉矣由
是不赦又獨析珎稱兩京復泌謀
居多其功乃大於魯連范蠡云

青岩山人

柳城胡披袞衣幕下客山中歸汲田有綿上粟青岩有西
山薇封刀呼面黃屋頭可斷不可辱大唐天子館三司三
百偽官齊俯伏

綱目汲郡甄濟有操行隱居青岩山安祿山為採訪使
奏掌書記濟察祿山有異志詐得風病舁歸家祿山反
使蔡希德引行刑者二人封刀召之濟引首待刀希德
以實病白祿山乃免會官軍平東京濟起詣軍門上詣

傲遣詣京師上命館之於三司令受賊官爵者列
拜以愧其心新書逆臣傳安祿山營州柳城胡也

白將軍

白將軍躍如帛突如鶻長櫛雙飛勢飄忽天子大將在河
陽金刀小龍敢逆勃將軍挺身獨出奇誓折龍角如折枝
匹馬如龍亂流出攪陣不用千熊羆白將軍一呼去聲皆獲

裂生龍斷之馬上歸日光射人滴盟血史家有人來劫我
亦曰李郎驍將可火船萬炬撒中流鐵騎千蹄攢柵左大
將門前拜颺旗大軍小配多雄雌嗚呼白將軍驍且奇誰
說摩訶捉健兒

新書白孝德傳孝德安西人事光弼為偏裨史思明攻
河陽使驍將劉龍仙挑戰加右足馬鬣上慢罵光弼光

弼曰孰能取是賊左以孝德對名問所須獎兵對曰
願出五十騎見可而進大軍鼓譟以張吾氣足矣弼
撫其背遣之孝德擁二矛策馬絕河半濟懷恩賀曰事
克矣其攬轡便辟可萬全者龍仙使致辭無他與語頃
若引避然孝德握手止之曰侍中使致辭無他與語頃
之瞋目曰賊識我乎我白孝德也龍仙環堤走追斬其首以
搏城上因大譟五十騎繼進龍仙潛還軍留牙將雍希
還李光弼傳光弼次野水渡既夕潛還軍留牙將雍希
顯守謂之曰賊將高暉李日月萬人散也賊必使來劫
我汝勿與戰若降與偕來思明果召日月曰光弼野次
爾以鐵騎五百取之不然無歸見我日月至問太尉在
乎曰去矣兵幾何曰千人將為誰曰雅希顯日月謂其
下曰我受命云何今顧獲希顯歸必死矣遂降希顯與
俱至光弼厚待之表授特進兼右金吾大將軍高暉聞
之亦降資治通鑑陳宣帝太建五年鎮前將軍統衆十
萬伐齊齊師選長大有膂力者為前隊又有蒼頭犀角
大力其鋒甚銳又有西胡善射弦無虛發衆軍尤悍之
辛酉戰於呂梁將戰吳明徹謂巴山太守蕭摩訶曰若
殄此胡則彼軍奪氣摩訶曰願示其狀當為公取之明
徹乃召降人有識胡者使指示之自酌酒以飲摩訶摩

訶飲畢馳馬衝齊軍胡挺身出陳前十餘步發弓未發
摩訶遙擲銃鎧正中其額應手而仆齊軍大力十餘人
出戰摩訶又斬之
於是齊軍大敗

李五父

李輔國以閹豎竊定策功遂肆橫逆專制朝政元
宗以遷張后以殺肅宗以驚殞其為逆也大矣代
宗不奮皇威以加天討乃假使者行盜之所為不
羞國柄哉

李五父高家奴一日尊尚父乃勝高家翁音查飛龍牝雞咒
西內兵謀相表裏坐阿亭非孝子牝已戮妖尚容誓告太
廟誅元凶胡為盜兒割顱投溷中

新書宦者傳李輔國以閹奴事高力士肅宗任以肱膂
 事貴幸至不敢斥官呼五郎李揆當國以于姓事之號
 五父時太上皇居興慶宮輔國妄言於帝曰太上皇居
 近市交通外人願徙入禁中帝不寤太上皇謂力士曰
 吾兒用輔國謀不得終孝矣會帝疾輔國即詐言皇帝
 請太上皇按行宮中太上皇還西內居甘露殿自是太
 上皇快快不豫至棄天下張皇后數疾其顯帝寢疾太
 子監國后召太子將謀輔國及程元振太子不從更召
 越王充王國之元振告輔國即伏兵凌霄門迎太子伺
 變是夜捕二主及中人囚之而殺后他殿代宗立輔國
 以定策功愈跋扈至謂帝曰大家第坐宮中外事聽老
 奴處決帝欲翦除而憚其握兵因尊為尚父遣使夜
 刺殺之抵其首函中後梓州刺史杜濟自言刺輔國者
 高力士傳戚里諸家尊曰蒼肅宗本紀天寶三載又更

哥奴塚

哥奴沉蠱上皇十九年至天寶天下一敗而不可

救養成胡虜十四年不調幾易唐祚雖鹽肉羶骨
無以伸天下共憤諸將克長安必發其塚帝乃曰
此賊昔日百方危朕勅諸將焚骨揚灰而以李泌
言遂止善夫胡氏之論曰肅宗當按誅王敦故事
跪而斬之以謝天下獨憾危已是以天子讐匹夫
也不亦褊乎余責泌贊肅不能行是舉也

李哥奴之死不勝誅阿釗私忿斲棺取含珠如何嗣皇帝
又以天子讐匹夫元凶跪斬有典故白衣相國乃使恢宏
聖德酬私廬

新書姦臣傳哥奴林甫小字又林甫居相位凡十九年
固寵市權蔽欺天子耳目又擢安祿山等為大將林甫

利其虜也無入相之資故祿山得專三道勁兵處十四
年不徙又楊國忠素銜林甫及未葬陰諷祿山暴其短
帝怒詔奪官爵斲棺剔去含珠金紫更以小槨用庶人
禮葬之外戚傳國忠本名釗以圖讖有卯金刀當位帝
為改今名李泌傳初帝在東宮李林甫數構譖勢甚危
及即位怨之欲掘塚焚骨泌以天子而念宿怨示天下
不廣帝不悅曰往事卿忘之乎對曰上皇聞陛下錄故
怨將內慙不憚萬一感疾是陛下不能安親也帝感悟
抱泌頸以泣曰朕不及此晉書王敦傳敦死有司議曰
王敦滔天作逆有無君之心宜依崔杼王凌故事剖棺
戮尸以彰元惡於是發瘞出尸焚其衣冠
踣而刑之首懸於南桁觀者莫不稱慶

免冑行

余謂子反華元之平春秋非之羊陸交歡君子謂
非純臣之事涇陽之急子儀單騎見虜可謂奇勛
然非萬全之策也

葉子高胡不胄國人望君如望母郭子儀胡不胄虜人見
君如見斗涇陽鐵騎合如山已無唐家天可汗老臣鬚眉
忽在眼萬口萬歲呼平安大酋投戈拜馬下諭以言語酋
諾諾馬上呼聲銀海翻滴酒誓如刑白馬人生一誠裂金
石誰謂犬狼心不測嗚呼尚父不免胄安得胡兒叙甥舅

左傳白公之亂葉公至或過之曰君胡不胄國人望君
如望慈父母焉新書郭子儀傳僕固懷恩誘吐蕃回紇
入寇京師大震台子儀屯涇陽比到虜騎圍已合乃身
率鎧騎二千出入陣中回紇怪問是謂誰報曰郭令公
驚曰令公存乎懷恩言天可汗棄天下令公即世中國
無主故我從以來公今存我得見乎子儀以數十騎出
免胄見其大酋回紇舍兵下馬拜曰果吾父也子儀即
台與飲結歡如初因曰吐蕃本吾舅甥國無負而來棄
親也馬牛被數十里公等若倒戈乘之逐戎得利與我
維好不兩善乎遂許諾吐蕃疑之夜引去又德宗嗣位

賜號
尚父

奴材篇

郭家兒皆奴材孝謹幸有曜獨異膏梁胎乳母子驕且侈
都虞侯杖殺長安市邠州留後小尚書白日殺人縱虎羆
郭家子材非奴明朝受教段都虞

綱目子儀禁無故軍中走馬南陽夫人乳母之子犯禁
都虞侯杖殺之諸子泣訴子儀叱遣之明日以事語僚
佐而歎息曰子儀諸子皆奴材也何新書郭子儀傳子曜性沈
惜母之乳母子非奴材而何
靜諸弟或飾池館盛車服曜獨以簡朴自處段秀實傳
郭子儀以副元帥居蒲子晞以檢校尚書領行營節度
使屯邠州士放縱不法孝德不敢劾秀實為都虞侯列
卒取之斷首置槩上植市門外一營大繖盡甲秀實乃
選老嫗一人持馬至晞門下甲者出秀實笑且入曰殺
一老卒何甲也吾戴頭來矣晞出秀實曰副元帥功高

天地當務始終今尚書恣卒為暴罪且及劉元帥然則郭氏功名其與存者有幾睨再拜曰公幸教睨願奉軍以從秀實宿軍中旦與俱至孝德所謝不能卻由是安

晉州男子

白衣山人不言事成都司錄下法吏晉州男子不怕死痛哭一書三十字諸道監諸州團豈勝老魅據朝端胡椒鍾乳甲乙藏南珍北貨金銀山八位堂萬年縣臭襪填咽不一燕晉男子解括麻賜衣闕下拜官家

綱目晉州男子卹模持竹筐蓆席哭於東市人問其故曰願獻三十字一字為一事若言無所取請以席裹屍貯筐棄於野上召見賜新衣館於客省其言團者罷諸州團練使監者罷諸道監軍使也按新書事載李少良傳多訛切載先是天下兵興凡要州權署團練刺史載用事授刺史者悉帶團練以悅人心故摸指而刺云白

衣山人謂李泌成都司錄謂李少良李少良傳憤載不
法疏論其惡帝留少良客省欲究其事其友韋頌者侯
之漏言於陸璣載名璣問知之乃奏下少良御史臺劾
其漏禁中語并與頌璣論殺之老魅謂元載帝遣金吾
將軍吳秦收載於政事堂賜死萬年縣載乞快死主者
曰相公須受少污辱死乃脫穢襪塞其口殺之籍其家
得胡椒八百斛
鍾乳粉三千兩

汝州公

建中四年李希烈據許時宰相閔楷以李元平為
有攘寇才拜為汝州公柳子惟深颺言於朝曰是
夫喋喋衒玉賈石王衍誤天下殷浩敗中軍今之
衍浩也盜襲汝州縛汝州公歸見希烈便液汚地
希烈大罵曰育宰相以汝當我嘻世之大言無實

者使不敗何以辨才之真偽乎

石以玉縹梟以鳳吭兮衍誤相浩誤兵

叶邦

兮莽襲旦搥襲

昌兮嗚呼汝甸范范兮汝公俵俵往者莫咎兮來者未央

新書閔播傳元平本宗室疏裔好論兵鄙天下士大夫無可者人人怨疾之李希烈叛播盛稱元平帝召見拜汝州別駕知州事元平始至募工築邪浚隍希烈陰使亡命應募遣將李克誠以精騎薄城募者內應縛元平馳見希烈遺矢於地因嫚罵曰育宰相以汝當我何待我淺耶偽署御史中丞

顏太師

君子論顏二烈祿山成於前盧杞成於後世道不

幸風紀之幸也余獨悼建中之君為兩相所蔽而

不少悟焉何也李元平妄人也信閔播以為將相

之才而使之獻希烈顏真卿貞人也信杞以為談
說之客而使之喻希烈元平為賊輔而真卿為賊
殺建中之君烏得不蒙塵於奉天抑於太師有憾
也李泌度其君肅宗不能保已之不傾而高舉故獲
免盧鬼亂政之時齒且八袞矣吾不知太師之不
去何待耶舐血之訴觸其所惡聞吾又不知太師
之市恩何屑屑耶卒以餘齒陷於死地借頰舌之
力免軍旅之勞其究如此讀其史悲其時而為之
些云

嗚呼鳳凰不翔兮鴟鴞肆其強梁麒麟中傷兮豈云異夫

犬羊君子之與小人兮水火不相容王川危吾族其無賴兮

固以業業於汾陽棄僕射於瓊崖兮豈不感予之類傷嗟

夫子決於火坑乎羣之行藏嗟嗟夫子兮烈煌煌些夫子

兮死不亡

新書顏真卿傳盧杞數遣人問方鎮所便將出之真卿
往見杞辭曰先中丞傳首平原面流血吾不敢以衣拭
舌試之公忍不見容乎杞矍然下拜而銜恨切骨李希
烈隔汝州乃建遣真卿四方所信若往諭之可不勞師
而定詔可既見希烈宣詔旨希烈逼使上疏雪已真卿
不從叱曰吾年且八十官太師吾守吾節死而後已希
烈乃拘真卿掘方丈坎於廷傳將坑之真卿曰生死分
矣何多為希烈復遣將至其所積薪於廷曰不能屈節
當焚死真卿起赴希烈使閹奴縊殺之綱目集覽先中
丞謂盧杞父奕也天寶初拜御史中丞安祿山陷東都
被殺傳首至平原真卿執其使取奕首續以蒲身葬之
綱目盧杞醜色如藍有口辨上悅之郭子儀每見賓客

姬妾不離側祀嘗往問侯子儀悉屏侍妾或問其故子儀曰祀貌陋而心險婦人見之必笑他日祀得志吾族無類矣新書楊炎傳帝以炎論議疎濶遂罷為尚書左僕射又貶崖州司馬同正未至百里賜死姦臣傳楊炎與祀俱輔政炎鄙祀才下不悅未半載譖罷炎

藍面鬼

藍面鬼陰且祿

音媚

郭家姬羣走避天子見之殊嫵媚藍面

鬼泚搽兵鬼遣使鬼凌兢尚持天柄殺崔寧救駕將軍譖天子奸一排數千里藍面鬼澧州死

新書奸臣傳盧杞體陋甚鬼貌藍色又尚父郭子儀病百官造省不屏姬妾杞至則屏之遣使謂吳淑也忠義吳淑傳朱泚反盧杞白志貞皆謂泚有功不宜首難得大臣一人持節慰曉惡且峻淑願至賊中諭天子意卒被殺姦臣傳帝出奉天崔寧自賊中來以播遷事指杞杞即誣寧反帝殺之又李懷光數破賊堂斥杞杞惧之

即誦帝詔懷光無朝懷光自以勤難有大功為姦臣間
阻遂謀反因暴言杞等罪惡帝始寤貶為新州司馬貞
元元年詔為澧
州別駕杞遂死

破桐葉

上再三欲全懷光使泌招之懷光父子懼上無信
而深信泌者也泌曾不以救駕大功原其逼駕之
惡何也泌能成就馬燧其成就懷光又何難哉此
破桐葉詩吾未平於泌也

一虎在河中一虎在河東河中棄虎虎滅族河東諭虎虎
成功嗚呼鬼谷子教君破葉桐何如翦珪教周公

破桐葉註見前白衣山人新書叛臣傳李懷光至河中
取同絳二州又帝以河東節度馬燧拜副元帥會兵進

討諸軍遂圍河中柳宗元集成王以桐葉與小弱弟戲
曰以封汝周公入賀王曰戲也周公曰天子不可戲乃
封小弱弟於唐

孔巢父

巢父字弱翁孔子三十七世孫辨而才為魏博宣
慰使見田悅與言逆順利害開曉其衆皆喜曰不
圖今日還為王臣數日田緒殺悅李懷光據河中
帝復令宣慰罷其兵衆憤譟而合乃害巢父贈右
僕射余讀杜甫送巢父詩未嘗不高其節惜以專
對才而死不得為竹溪之逸也

孔巢父竹溪流竹溪之水可飲牛胡為乎十肉食謀孔巢

父盡歸來河北虎幸斃河中虎方威孔巢父不歸去十

年東海迷烟霧釣竿空負珊瑚樹

唐書巢父與韓洋李白裴政張叔明陶汚隱居徂徕山時游竹溪六逸杜甫詩巢父掉頭不肯住東將入海隨烟霧詩卷長留天地間釣竿歌拂珊瑚樹

陳醫者

霍顯使淳于衍毒許后助逞也陳仙奇使山甫毒李希烈助順也史臣不以酈寄誘呂產為買友以其助漢取賊也酈寄不以誘呂產為買友則山甫不以毒希烈為賣主也雖然大將不討賊而假手於咬咀之夫國柄可知已

陳山甫醫術活萬人為國殺元罪汝醫非不仁大將不擊
賊斧鉞養凶器吁嗟山甫氏刀圭土麒麟豈比妖術謀全
身金匱甘露殺寶臣

新書進臣傳李希烈啖牛肉而病親將陳仙奇令醫毒
之以死漢書外戚傳霍光夫人顯歎貴其少女道無從
許皇后當娠病女醫淳于衍者霍氏所愛嘗入侍皇后
疾顯因生心謂衍曰婦人免乳大故十死一生今皇后
當免身可因投毒藥去也顯搗附子飲皇后遂崩郡商
傳其子寄字況與呂祿善大臣誅諸呂天下稱郿况賣
出游而太尉勃入據北軍遂以誅諸呂為丹書靈芝朱
友新書李寶臣傳寶臣引妖人作讖兆為丹書靈芝朱
草齋別室築壇置銀盤金匱玉華猥曰內產甘露神酒
既而畏事露耳誅詐曰公飲甘露可與天神接客置堊
於液寶臣已飲即瘖三日死

喜鵲兒

喜鵲兒朝飛禁中柳幕宿省中梧口銜天詔報人喜更學
金雞傳赦書胡為乎謗非謗譽非譽陰陽反覆搖天樞錦
江滑滑愁泥塗只不如丈人鳥巢不奪鳩居豈比爾鵲愛
憎及除胥

新書實參傳申其族子也為給事中參親愛每除吏多
訪申申因得招貼漏禁中密詔故申所至人目為喜鵲
帝聞以戒參曰是必為累不如斥之陸贄與參不平遂
共譖贄帝得其姦逐申為道州司馬貶參驩州別駕申
丹貶綿州司戶

柿林院

蒲博士書算傭渡入東宮如駟蛩麻鞋天子瘖且聾小牝
一鳴天日蒙博士前殿書傭後院結交死友標題私讌劉

柳文章伊周廟廊柳州蛇朗州瘴中風即夫婦高眠金

匣牀

韓愈順宗實錄上學書於王任頗有寵王叔文以基進
俱待詔翰林又任寢陋吳語上所聚狎而王叔文頗任
事自許微知文義好言事上以故稍敬之不得如任出
入無阻叔文入至翰林而任入至柿林院見李忠言牛
昭容等孔叢子北方有獸名曰屨愛蛩蛩驅驅食得甘
草必齧以遺蛩蛩驅驅見人將來必負屨以走屨非愛
驅蛩也為其假足也二獸亦非心愛蛩也為其得甘草
而遺之也順宗憲錄上在東宮嘗與諸侍讀并叔文論
政又上自二十年九月得風疾因不能言又上知內外
憂疑紫衣麻鞋不俟正冠出九仙門台見諸軍使京師
稍安新書王叔文傳順宗立不能聽政深居施帷坐以
牛昭容宦人李忠言侍側羣臣奏事從帷中可其奏又
叔文陰結天下有名士而士之欲速進者率附之若
韋執誼陸質呂溫李景儼韓晔陳諫柳宗元劉禹
錫為死友而凌準程昇又因其黨進又質泰諫準昭宗
元禹錫等倡譽之以為伊周管葛憫然謂天下無人仰

宗元傳徙柳州刺史世號柳柳州劉禹錫傳斥歸州司馬順宗寔錄任知事不濟行且卧至夕忽叫曰任中風矣明日遂與歸王任傳任尤通天下賕謝日月不閱為三置義寔以受珍使不可出則寢其上

行行臨賀尉

行行臨賀尉親友絕送迎門客徐晦氏獨餞藍田亭明朝舉監察驚動太常卿取舍兩不失允矣李中丞

新書楊憑傳御史中丞李易簡劾憑姦賊貶臨賀尉憑所善徐晦第進士擢棣陽尉憑得罪姻友憚累無往候者獨晦至藍田慰餞宰相權德輿謂曰君送臨賀誠厚無乃為累乎晦曰方布衣時臨賀知我今恐遽棄耶德輿嘆其直稱之朝李易簡遽表為監察御史晦過謝問所以舉之由易簡曰君不負楊臨賀肯負國乎權德輿傳德輿自太常卿拜禮部尚書同中書門下平章事

山棚客

漢壽客刺以酣黔州客刺以淫諸葛相機最深沉牆急遁
幾成禽如何東門萬大柝白日馬頭飛劍落颼風一道捲
塵來緋衣小兒驚墜經山棚客客亦神十日大索長安民
不知客已出蒲津空殺恒州十四人

新書李師道傳師道置邸東都多買田伊闕陸渾間以
舍山棚遣將營嘉珍門察部分之嵩山浮屠圖淨為之
謀武元衡傳元衡入朝出靖安里第夜漏未盡賊乘暗
呼曰滅燭射元衡中肩後擊其左股徒御格鬪不勝皆
駭走遂害元衡批顱骨持去百官恟懼未知三名帝乃
下詔能得賊者賞千萬授五品官于是捕得張晏等十
八人言為承宗所遣皆斬之逾月東都防禦使呂元膺
執淄青留邸賊門察營嘉珍自言始謀殺元衡者裴度
傳王承宗李師道謀緩蔡師乃伏盜京師刺用事大臣
已害宰相元衡又擊度傷首度冒穠得不死度墜溝賊
意已死因亡去又張植與自偽諂云非衣小兒坦其腹
天上有口被驅逐以度平元濟也歛以傾度按張晏等

以疑似殺之師道客竟亡去後田宏正入朝得師道薄
書有賞殺武元衡人王士元等及賞潼關蒲津吏卒乃
知向者亦吏卒受賂於賊而容其如此漢壽客
諸葛相見卷三費尚書黔州客見卷五謝祐頭

興橋行

蔡州三葉驕乳虎興橋柵中虎猶怒鄧唐節度在朗山誰
能縛虎生致取文城白狗破喉衿興橋鐵壁高千尋畋秋
壯士三百匹不料野騎成生禽夜深解縛節度府授以六
院吾無猜大雪陣中驚鶴開將軍坎墉入中穴素旗白馬
從天來古來豺虎化心腹潛出盧龍下綿竹平淮誰是第
一功尚書僕射封涼國

新書李愬傳憲宗討吳元濟以愬為隋唐鄧節度使攻
馬鞍山下之拔道口柵戰啞岬山以取鑪冶城入白狗

汶港柵破楚城襲朗山平青陵城禽粟將丁士良異其
才不殺署捉生將士良曰吳秀琳以數千兵不可破者
陳光洽為之謀也我能為公取之乃禽以獻於是秀琳
舉文城柵降遂以其衆攻吳房初秀琳降懇單騎抵柵
下與語親釋縛署以為將秀琳為懇策曰必破賊非李
祐無與成功者祐賊將也守興橋柵其戰嘗易官軍懇
侯祐護獲於野遣史用誠以壯騎三百伏其旁見羸卒
若將燔聚者祐果輕出用誠禽而還乃令佩刀出入帳
下署六院兵馬使六院者隋唐兵也由是始定襲蔡之
謀乃遣從事鄭澥見裴度告帥期于時元和十一年十
月已卯師夜起祐以突將三千為前鋒李忠義副之出
文城柵令曰引而東六十里止襲裴賊其成會大雨
雪馬皆縮栗士抱凍死於道行七十里夜半至懸鉤城
雪甚城旁皆驚驚池懇令擊之以亂軍聲賊情吳房朗
山戍晏然無知者祐等坎墉先登衆從之殺門者發關
留持柵傳夜自如黎明雪止懇入駐元濟外宅蔡吏驚
曰城陷矣元濟尚不信及聞號令曰常侍傳語始驚曰
何常侍得至此率左右登牙城田進誠兵薄之火南門
元濟請罪梯而下檻送京師懇還屯文城柵有詔進檢
校尚書左僕射山南東道節度使封涼國公潛出廬龍

謂魏用田疇下綿
竹謂蜀用田章

石忠烈

按羅隱作傳云石孝忠者生長韓魏間有膂力少
時偷雞盜狗州里苦之後折節事李愬為愬前驅
元和中天子用裴丞相征蔡愬與光顏重允皆受
丞相節制明年蔡平刑部侍郎韓愈撰碑專歸大
丞相孝忠見其文大恚怒因作力推其碑吏不能
止乃執詣節度使命具獄將斃之碑下孝忠度必
死乃佯卧地若不勝按驗狀吏就詰之孝忠伺隙
用枷尾拉殺之上聞之使送闕下及至問曰汝推

碑殺吏為何對曰臣一死未足塞責今得面天顏
一言赤族無恨臣事李愬歲久平蔡之日臣在軍
前吳秀琳蔡之奸賊愬降之李祐蔡之驍將愬禽
之爪牙脫落而元濟縛今刻石紀功盡歸丞相而
愬名第與光顏重允齒愬固無言不幸更有一淮
西其將如愬者復肯為陛下用乎賞不當功罰不
當罪非陛下所以勸人也臣推碑不惟明愬績亦
將為陛下正賞罰之源臣不搥碑無以為吏禽臣
不殺吏無以見陛下臣死不容時矣請就刑帝既
得淮西本末且多其義遂赦之因命曰忠烈復名

段學士撰碑如孝忠言余曰石乃雞狗奴耳敢以一死易主碑亦力士中一奇事也因詩以見仆碑事非特勲妻之力也

淮西碑

叶

千尺立龜趺司馬大手筆點竄古典謨千載不

可磨

叶

石力士雞狗奴金椎椎碎石不怕天子誅天子貸

厥辜段學士石重書力士爾非雞狗奴

舊書韓愈傳碑辭多叙裴度事時入蔡擒吳元濟李愬功第一愬不平之愬妻唐安公主女也出入禁中因訴碑辭不寔詔令磨去愈文命翰林學士段文昌重撰文勒石新書韓愈傳度以宰相節度彰義軍宣慰淮西奏愈行軍司馬李商隱韓碑詩點竄堯典舜典字塗改清廟生民詩

韓宣慰

王庭湊圍牛元翼於深州詔愈至境觀事勢勿遽
入愈曰止君之仁死臣之義遂往庭湊拔刃弦弓
以迎之及館甲士羅於庭庭湊曰所以紛紛者乃
此曹所為非庭湊心愈厲聲曰天子以尚書有將
帥才故賜之節鉞不知尚書乃不能與健兒語甲
士前曰先太師為國擊走朱滔血衣猶在此軍何
負朝廷乃以為賊愈曰汝曹尚能記先太師則善
矣自祿山思明元濟為逆者子孫今有尚存者乎
田令公以魏博歸朝廷子孫孩提皆為美官王承
元以北軍歸朝廷弱冠建節劉悟李祐皆為節度

使汝曹亦聞之乎廷湊曰今侍郎來歆何為愈曰
神策將軍如牛元翼者不少朝廷顧大體不可棄
之耳尚書何為圍之不置湊曰即當出之因與宴
禮而歸之未幾元翼出深州夫愈之舌端可謂有
專對之才矣宜其有以悅服廷湊異於孔顏諸公
也

唐家虎穴生王畿顏公孔公俱不歸韓公鎮州去虎口尤
可危於呼韓公天下奇正論不數柏拾遺鱣魚為我徙雷
雨衡山為我開煙霏况爾稱人類太師留血衣片言為爾
折是非老虎嘯中失突固元相國何能為奇節歆舉于家

兒

韓文考異先太師謂故鎮帥王武俊也顏真卿傳李
烈陌汝州遣顏真卿往諭希烈遂縊殺之孔巢父傳李
懷光據河中帝令巢父宣慰罷其兵懷光乃害巢父柏
耆傳王承宗以常山叛耆杖策詣淮西行營謁裴度願
得天子一節馳入鎮可掉舌下之度為言乃以左拾遺
往既至以大誼動承宗至泣下乃請獻二州以二子入
質按韓公行狀神道碑及舊史柏耆以計謁公公與評
奇之遂白丞相公口占為書使柏耆袖之以至鎮州燕
軾湖州韓文公廟碑公之精誠能開衡山之雲而不能
回憲宗之惑能馴鯉魚之暴而不能弭皇甫鏊李逢吉
之謗元正傳王庭湊方園牛元翼於深州正所善于方
言王昭于友明能得賊要領可使反間而出元翼李逢
吉令李賞誅裴度曰于方為正結客將刺公度
隱不發神策軍中尉以聞遂與度皆罷宰相

樓
澍傳霖校

鐵崖咏史註卷之七

目錄

甘露行

封刀行

就死謠

牛頭阿旁

光州民

慕願津

唐孔目

白雲先生

上源宴

凌雉捺

佳麥良繭歌

長樂坂

金床鬼

齊雲樓

腕可斷

壽春宴

王官谷

負國賊

送璽使

唐鳴鶚

王鐵鎗

李天下

血鏃吟

琉璃瓶

警枕詞

荆臺隱士

朱延壽妻

淮南刺客詞

鐵筋行

將進酒

檻車行

落葉詞

王承綱女

三閣圖

李客省

商人妻

張生鐵

鐵厓咏史註卷之七

諸暨楊維禎廉夫著 同邑後學樓卜瀍西濱註

魯清倬雲
訂
國佐廷柱

甘露行

史臣以甘露之變仇士良殺訓註自是天下事皆
決於北司宰相行文書而已予謂甘露無變訓註
無誅唐禍將有甚於閹輩者讀史至此不能不咤
太和之君倚託非人遂至喋血禁門乘輿幾踣然
訓註二凶因此斬剗無遺殆天假手此輩耳涯餽

元與孝本輦駢首就戮皆二凶之黨何足惜之涯
臨終猶咎王璠昔不漏言必無今日嗚呼君子知
二凶之禍敗必極於此又何尤於璠也哉

石榴林甘露降白梧夜匿丹鳳門阜禧曉集金吾仗王氏
婢仇氏奴天子一怒何足誅王山人鹿裘子天子養成獲
鑿齒逐三相進百官鑿齒不滅麟鳳無時還鳳翔茶長安
柳天殺二凶天假手王家五帝何足咎

綱目文宗太和九年十一月李訓舒元興鄭注等謀誅
宦官不克仇士良殺訓注元興及王涯賈餗等又上御
紫宸殿韓約奏左金吾聽事後石榴夜有甘露訓元興
勸上往觀上顧仇士良帥諸宦者往視之部曲數百皆
執兵立丹鳳門外訓召之入士良等至韓約色變俄風
吹幕起執兵者甚衆士良等驚走詣上告變訓呼金吾

衛士上殿宦者穿軟輿迎上決殿後梁恩疾趨北出訓
知事不濟脫從吏綠衫衣之走馬而出王涯賈餗舒元
真還中書士良等命左右神策兵五百人出討賊又千
餘人擒舒元與王涯王璠賈餗李孝本腰斬於獨柳之
下新書李訓傳璠見涯恚曰公何見引涯曰君昔漏宋
丞相謀於守澄今為逃死綱目上惠宦官彊盛而中尉
王守澄尤專權李訓傳訓尚總纛帝使衣戎服號王山
人與注出入禁中綱目注好衣鹿裘以隱淪自處韻府
鑿齒獸名其齒似鑿食人仇士良傳士良擅專二十餘
年殺二王一妃四宰相此云逐三相亦訓注所為也李
訓傳訓既敗奔鳳翔為蓋屋將所執斬之傳其首鄭注
傳帝問富人術以權茶對帝始詔王涯為權茶使注俄
檢校尚書左僕射鳳翔罷右節度使又注開訓敗其屬
勸注殺監軍張仲清注驚撓不暇聽仲清與前少尹陸
暢用其將李叔和策訪注計事斬其首兵皆潰去按唐
書本紀穆敬文武宣五帝作一卷亦五帝作一論甘露
之變文宗太
和九年事

封刀行

會昌天子仇浮屠毀天下寺四萬四千六百區穆護妖僧
盡歸族五臺髡衆奔幽都使君亦機警封刀挂關無入境
胡為主客郎中猶有請君不見山棚刺客殺武相八十妖
僧搥折脛

綱目武宗會昌五年詔毀天下佛寺僧尼並勒歸俗九
天下所毀寺四千六百餘區招提蘭若四萬餘區五臺
僧多亡奔幽州德裕召進奏官謂曰汝速白本使五臺
僧為將必不如幽州將為卒必不如幽州卒何為虛取
容納之名染於人口張仲武乃封二刀付居庸關曰有
遊僧入境則斬之新書韋博傳博進主客郎中時詔毀
佛寺悉浮屠隸主客博言令太暴宜近中宰相李德裕
惡之李師道傳嵩山浮屠圓淨者年八十餘嘗為史思
明將驍悍絕倫既執力士椎其脛不能折罵曰豎子折
人脚且不能乃曰健兒因自置其足折之且死嘆曰敗
吾事不得見
洛陽流血

就死謠

溫書生筆如銳兵文如建瓴天策將軍求節鉞書生抱筆
死誓不草表生揮戈曳戟犯闕庭何物狗子干天刑

綱目懿宗咸通九年龐勛陷徐州召溫庭皓使草表求
節鉞庭皓請還家草之明日來曰昨日欲一見妻子耳
今謹來就死勛熟視笑曰書生敢爾不畏死耶龐勛能
取徐州何患無人草表遂釋之有周重者每以才畧自
負為勛草表何物
狗子謂周重也

牛頭阿旁

路岩與韋保衡同相位二人勢傾天下時人目其
黨為牛頭阿旁言如鬼陰惡可畏也既而爭權有
隙保衡遂短岩於上罷岩為西川節度出城之日

路人以瓦礫擲送岩謂京兆尹薛能曰臨行煩以
瓦礫為餞能曰鄉來宰相出府司無例發人防衛
岩甚慚夫岩之黨衆矣南行未聞有一阿旁護送
者得勢則附失勢則離宰相亦何樂養此輩哉

見事

唐書路
巖傳

咸通主嬉于荒咸通相肆厥狂門下伯什牛頭旁愛州叟
敢論牛頭旁明年劍南道瓦礫如雨不見牛頭旁

綱目流陳蟠叟於愛州路巖傳巖始為相時委事親吏
邊咸會至德令陳蟠叟奏書願請間言財利帝召見則
曰臣願破邊咸家可佐軍興帝問咸何人對曰
宰相巖親吏也帝怒斥蟠叟自是人無敢言

光州民

咸通末光州逐刺史李弱翁有補闕楊堪上言刺
史不道百姓負冤當訴於朝廷置諸典刑豈得羣
聚擅自斥逐亂上下之分此風殆不可長宜加嚴
誅以懲來者予謂堪真腐儒民之所以敢亂分者
誰致哉吁堪亦弱翁之流歟

事見綱目

光州民無路叩天闕呼天不應叫地不聞刺史又不仁豺
虎我民楊補闕黨惡不黨民君何怪光州民

墓頤津

前年殺諫官諫官死閹閹今年殺諫官諫官死墓頤炎炎
田阿父豈畏兩拾遺誓討阿父賊賴有沙陀兒

綱目僖宗乾符元年以田令孜為中尉上專事遊戲政
事一委令孜呼為阿父又廣明元年殺左拾遺侯昌業
昌業以盜賊滿山東而田令孜專權無上上疏極諫上
大怒召昌業至內侍省賜死又中和元年殺左拾遺孟
昭圖昭圖疏曰去年車駕西幸不告南司前黃頭軍亂
陛下亦不召宰相北司未必盡可信南司未必盡無用
令孜屏不奏矯詔貶昭圖嘉州司戶遣人沉於嘉陵津
質實墓頗津在眉州城東七里墓順山下即岷江也新
書宦者田令孜傳李克用上書請誅令孜帝不從五代
史唐本紀其先本號朱邪至其後世別自號曰沙陀而
為姓邪

唐孔目

陳敬瑄討阡能及羅渾擎句胡僧梟三首之外自
餘不戮一人榜邛州賊黨皆釋不問未幾邛州刺
史申捕獲阡能叔父行全請准法瑄以問孔目官

唐溪溪對曰公已榜勿問而刺史復捕人此必有
故令若殺之豈惟明公失信竊恐阡能之黨復起
矣因詰其所以然果行金有良田刺史欲買而不
得故恨之耳敬瑄將按刺史刺史以憂卒行金密
餉溪金百兩溪怒曰此太師仁明何預吾事汝乃
懷禍相餉乎還其金斥使去胡氏論曰唐溪明足
以燭奸智足以守信廉足以裊身使處敬瑄之位
阡能韓秀昇楊師立之禍何自而起哉

事見綱目
僖宗中和

二年

唐孔目吏之師邛州脇從法不治太師條告民已知邛州

刺史挾其私我法不宥法爾欺刺史悸死莫具辭罪家懷
金謝孔目孔目仁明推太師懷金禍我將何為唐孔目非
吏師王者師

白雲先生

高駢好神仙有方士呂用之與張守一諸葛殷共
蠱惑駢用之刻青石為奇字云玉皇授白雲先生
高駢駢得之驚喜用之又欲以兵威脇制諸將請
募驍勇號為莫邪都駢從之又慮人泄其奸謀乃
言於駢曰神仙不難致但恨學道者不能絕俗累
故不肯降臨耳駢乃悉去姬妾謝絕人事賓客將

吏皆不得見有不得已而見之者皆先令沐浴齋
祓拜起終畢復引出由是用之得專行威福無所
忌憚境內不復知有駢矣予嘗論駢初年折節為
文學交諸儒硜硜言治道手貫馭雕尤有英氣其
在安南鑿道通餉有馬援不能治者徙淮南傳檄
天下兵討黃巢威鎮一時天子倚以為重亦足稱
雄矣乃為嬖人一惑陰圖割據志不能如乃篤意
神仙事俾用之輩得入其奸愚弄之如弄嬰兒於
股掌之上卒為所累而不逃師譯之執秦彥屠滅
之慘亦足哀哉為賦白雲辭以為惑方士之戒也

事見新書
叛臣傳

赤松子蟠溪翁吁氣成雲喚雨成龍延和閣白雲封羽衣
鶴氅呼雄風雪精下碎莫邪鋒

用之自謂蟠溪真君謂守一赤松子新書叛臣傳駢登
延和閣又駢為寓鴻庭中設機閤觸人則飛動駢衣羽
服乘之作仙去狀又用之募卒二萬為左
右鎖和軍與守一分總置官屬如駢府

上源宴

李克用入汴朱全忠請入城館於上源驛薄暮罷
酒從者皆醉楊彥洪密與全忠謀連車塞路發兵
圍騎而攻之克用醉不之聞親兵薛志勤等格鬪
侍者郭景銖扶克用匿床下以冰沃面克用始張

目援弓而起會大雨震電天地晦冥得率左右數
人踰垣突圍乘電光行絕城得出全忠悞射彥洪
殺之嗚呼克用上源之厄甚於鴻門而大雨震電
天有以相之已而全忠射殺自家謀臣又豈非天

意耶

事見綱目
信宗中和四年

王滿渡前兵破竹窰旬巢中遺轂覆上源驛舍張高筵將
軍飲酒歡滅燭獨眼龍醉眼紅譟聲動天醉且聾薛裨將
郭侍童大呼將軍起張弓疾雷怪雨兼陰風高車勁柵塞
四衝獨眼龍將何從天公有眼識爾順且忠電光一道開
迷朦又令碭山賊射殺謀臣楊彥洪

綱目黃巢逼大梁全忠告急於李克用克用追之及於
中牟王滿渡乘其半濟奮擊大破之巢東奔兗州克用
追至寬甸獲巢幼子及乘輿器服符印五代史唐本紀
克用少驍勇軍中號曰李鷄兒其目一眇及其貴也又
號獨眼龍五代史梁本紀帝姓
朱氏宋州碭山午溝里人也

雙雉搽

晉王以練紆劉仁恭父子凱歌入晉陽獻太廟自
臨斬守光守光曰死不恨然教守光不降者李小
喜也王召小喜証之小喜嗔目叱守光曰汝內亂
禽獸行亦我教汝也王怒其無禮先斬之守光曰
守光善騎射王欲成伯業何不留之其兩妻李氏
祝氏讓之曰皇帝事已如此生亦何益請先死即

伸頸就戮

獲雌雉錦繡襠朝呼鳳凰侶暮宿鴟鴞房兩雌角角聲稠
將晉陽網艾如張小喜鵲子先飛揚一雄欲苟存兩雌誓
溘亡嗚呼寧為兩烈死白刃不活金籠異姓王

新唐書劉仁恭傳子守光烝嬖妾事覺仁恭誅之鄭樵
樂府原題艾如張溫子昇辭云誰在閨門外羅家諸少
年張機蓬艾葉結網槿籬邊若能飛自勉豈為矰所纏
黃雀黨為戒朱絲猶可延此艾如張之事也觀李賀詩
有艾葉綠花誰剪刻中藏禍機不可測似剪艾葉為菽張之具也

佳麥良繭歌

張全義本田家子與李罕之割臂為盟分據河陽
罕之性貪暴以寇鈔為事全義勤儉督民耕植後

為河南尹披荆棘勸樹藝蠲其租稅民之歸者如
市都城坊曲漸復舊制野無曠土桑麻蔚然出見
田疇美者召田主勞以酒食有蠶桑善收者親至
其家呼出老幼賜以茶絲衣物民皆言張公不喜
聲妓見之未嘗笑惟見佳麥良繭則笑耳全義後
入梁拜中書令封魏王妻女為溫所淫賂事劉后
拜為國父其末節固不足數佳麥良繭有関民社
吾特為之歌以勸後之有民社者云

事見僖宗先
啟三年又見

五代史
雜傳

張田公善勸農佳麥長如帚良繭大如甕叶時時出省耕

下馬行田中親與爾農行酒持饗更以茶絲勞爾老與童
大邑勝兵帶甲萬小邑生齒千租庸坐令墟落叙九功北
韓南郭無足比隆嗚呼大明主如何諱言布襖田家翁

綱目僖宗文德元年以郭禹為荆南留後荆南兵荒之
餘止有二十七家禹厲精為治撫集凋殘通商務農晚
年殆及萬戶時藩鎮各務兵力相殘莫以養民為事獨
華州刺史韓建招撫流散勸課農桑數年之間民富軍
賄時人謂之北韓南郭大明主謂宋武帝也宋書武帝
紀考武大明中壞上所居陰室於其處起玉燭殿與群
臣觀之牀頭有土鄣壁上葛燈籠麻繩拂侍中袁顥盛
稱上儉素之德孝武不答獨曰田舍翁得此以為過矣

長樂坂

張統師傾危臣平生自比山東人獨眼龍已窺破誰遣當
國居中鈞又欲羽扇揮三軍揮三軍動河朔敗棧歸來過

長樂將軍何以酬祖爵

張濬討李克用楊復恭餒濬於長樂坂屬濬酒濬辭復恭戲之曰相公仗鉞作態耶濬曰侯平賊還方作態耳軍出陰地閔克用遣李存孝將兵禦之濬敗存孝攻晉州語其衆曰張濬宰相俘之無益天子禁兵不宜加害乃退五十里而軍濬得遁去師徒失亡殆盡賊濬遠州刺史復克用官爵乾寧中全忠脇上東遷濬聞曰大事去矣全忠遣牙將殺之屠其家事見綱目昭宗太順元年及新書張濬傳綱目濬每自比謝安裴度克用薄其為人聞其作相私謂詔使曰張公好虛談而無實用傾覆之士也主上采其名而用之他日變亂天下必是人也又濬至河陽徹屋為棧以濟

金床兔

有烏鳥三足呼作董家真鸞驚明年兔子上金床神姒宮中龍袞服李丞相吳學大不遂會稽錄碣死鎮海節度明

綱常提兵三萬秋鷹揚只許開門作節度不許閉門稱天
王蚕腰米三萬斛馬蹄金五百屋檻車已具小江南口率
民錢猶未足唐金床漢金塢前卓後昌同一鹵祠中妖覲
滅天冊市上貪夫照臍炬

新唐書朱昌傳方士朱思遠築壇祀天詭言天符夜降
載其文不可識昌曰識言免上金床我生於卯明年
歲旅其次二月朔之明日皆卯也我以其時當即位客
倪德儒曰成通末越中祕記言有羅平鳥主越禍福中
和時鳥見吳越四目而三足其鳴曰羅平天冊民祀以
接難今大王署名文與鳥類即圖以示昌昌大喜乾寧
二年即偽位國號大越羅平建元曰天冊自稱聖人鑄
銀印方四寸文曰順天治國之印又錢鏐將頊全武執
昌斬之斬偽大臣李邈等百餘人又昌令曰時至我當
順天應人其屬吳縣秦昌裕盧勤朱瓚董庠李暢薛遼
與妖人應智王溫巫韓媼皆贊之又官屬不徇昌旨者
節度副使黃碣山陰令張逌皆誅死黃碣傳董昌反碣

請舉族先死昌斬之召會稽令吳繇問策繇曰王為真
諸侯乃作偽天子自取滅亡昌斬之又召山陰令張遜
知御史臺固辭曰六州勢不助逆王據孤州以速死謂
何昌囚之他日謂人曰我無獨繇遜何害事綱目以錢
繆為鎮海節度使董昌傳錢繆悉兵三萬攻之昌懼執
應智王溫然吳繇泰昌裕送於繆又執朱思遠王守
真盧勤送繆軍求解綱目錢繆遺昌書曰與其閉門作
天子與九族百姓俱陷塗炭豈若開門作節度使終身
富貴耶昌不聽繆以狀聞董昌傳昌在圍城中貪吝益
其口率民間錢帛減戰士糧及城破庫有金帛雜貨五
百問倉有糧三百萬斛金塢見卷四
金谷步障歌臍炬見卷三千里草

齊雲樓

乾寧三年李茂貞舉兵犯闕廷王戒丕請上幸太
原上至渭北韓建請幸華州遂欲制之上從之茂
貞遂入長安燔燒俱盡昭宗登齊雲樓望故京作

菩薩蠻三章其卒章曰野烟生碧樹陌上行人去
安得有英雄迎歸大內宮酒酣與從人悲歌泣下
吁昭宗之路窮勢蹙以不能用李克用之言而信
天下痴物之謀以至如此十六宅之幽將誰咎哉
齊雲樓渭水一條流雙飛燕子春來秋去春復秋碧雲四
合思悠悠凍死雀愁紗紇干頭

綱目韓建移檄諸道令供輸資糧詣行在李克用聞之
歎曰去歲從余言豈有今日之患又曰韓建天下痴物
為賊臣弱帝室是不為李茂貞所擒則為朱全忠所虜
耳又中尉劉季述幽上於少陽院昭宗菩薩蠻詞登樓
遙憶秦宮殿只見飛燕渭水一條流千山與萬邱碧
雲四合寓意克用綱目全忠道上遷都洛陽上至華州
館於興德宮謂侍臣曰鄙語云紇干山頭凍殺雀何不
飛去生處樂今漂泊不知竟落何所質實紇干山即紇

真山在大同府其山
冬夏積雪故諺云

腕可斷

韋債相脫纒經擲孟之逆誓寢皮飲血韓侍郎不草麻解
衣待鐵磧叶明年債相殂故人呼我踵覆轍走閩山泣天

關

韋貽範以喪罷相日為債家所譟故急於起復託中尉
樞密求之上命韓偓草制偓曰吾腕可斷此制不可使
草中使怒曰學士勿以死為戲偓上疏論之解衣而寢
上命罷草使姚洎草之明年貽範率上欲用偓為相偓
薦趙崇王贊自代崔允惠分權使朱全忠白上貶偓為
濮州司馬偓泣別於上曰臣得貶死為幸不忍見募絀
之辱後挈妻子依王審知於閩事見綱目昭宗天復二
年又貽範持大盃獻上上不即持貽範舉盃直及上頤
又蘇樵為偓經營入相偓怒曰
公不能有所為乃欲污我耶

壽春宴

壽春留春春不留大宴重開延喜樓相君送別灞橋上灞
橋之水無西流沙陀老龍窺獨眼國破君亡見何晚紇干
凍雀何處飛長安春草已離離寢宮出婦奉玉觥天子為

歌楊柳枝

朱全忠歸鎮留宴於壽春殿又餞於延喜樓天子臨軒
送別令全忠樓前上馬賜楊柳詞五首何后自奉玉卮
以飲全忠事在昭宗天復三年相君謂崔允也綱目允
恃全忠之勢專權自恣中外畏之李克用聞之曰允外
倚賊勢內脅其君破
國亡家在目中矣

王官谷

白馬河浮濁流大柳樹坑瓜邱容臺學士獨先識王官谷

裏歸騎牛重來手擲魚須竹鴛隼班中脫麋鹿天子詔賜
還山老楊丞相涕沈瀾青山無處尋王官

司空圖彙官王官谷昭宗累徵不起柳璨以詔書徵之
圖俱詣洛陽入見陽為哀野墜笏失儀璨乃復下詔放
還山事見綱目昭宣帝天祐二年及新書卓行傳質實
王官谷在平陽府臨晉縣綱目天祐二年殺裴樞獨孤
損等三十餘人於白馬驛初李振屢舉進士不中第故
深疾搢紳之士言於全忠曰此輩常自謂清流宜拔之
黃河使為濁流事文類聚禮部稱南省又曰禮闈又曰
容臺禮記笏大夫以魚演文竹須音班老楊謂楊涉也
涉作相謂其子凝式曰此
吾之不幸也必為汝累矣

負國賊

負國賊柳司空佻巧不殊張樂工魏公九錫不為功徒殺
東朝積善宮臨刑自呼負國賊豈悔黃犬東門東

柳璨公綽族孫也及第不四年作相性傾巧輕佻阿附
朱全忠後斬於上東門外臨刑呼曰負國賊柳璨死其
宜矣見綱目天祐二年新書姦臣傳全忠急於九錫王
脩構璨等元暉惧自往辨解全忠罵曰爾與柳璨輩沮
我不由九錫作天子不得耶璨惧即脅哀帝揖讓授終
璨請自行進拜司空為冊禮使又張延範以優人為全
忠所愛綱目朱全忠殺太后於積善堂史記李斯出獄
顧謂其子曰我欲與爾復牽黃犬出上蔡東門逐狡兔
其可得乎

送璽使

楊僕射相天子礪山之賊著柘黃金祥殿前送國璽豈不
聞謝家傲吏生清風解璽不為齊侍中

梁開平元年楊涉以攝侍中為押傳國寶使涉子凝式
直史館言於涉曰大人為唐宰相而國家至此不為無
過况手持天子璽綬與人雖保富貴奈千載何事見綱
目五代史六臣傳朝梁於金祥殿南史謝朓傳齊高帝

以肅為侍中及齊受禪肅當日在直百僚陪位侍中當解璽肅伴不知曰有何公事傳詔云解璽授齊王肅曰齊自應有侍中乃引枕卧傳詔俱乃使稱疾欲取兼人肅曰我無疾何所道遂朝服出東掖門乃得車仍還宅

唐鵠鵠

全忠急於禪代獨蘇循倡言梁王功德宜即帝位未有贊成其議循乃入謁舞蹈呼萬歲敬翔曰蘇循唐之鵠鵠賣國求利不可立維新之朝詔循及刑部尚書張偉等十五人並勒致仕偕斥歸田循父子乃之河中依朱友謙余獨悼敬翔善言唐鵠而不知所事者鵠之渠也

見五代史大臣傳唐鵠鵠見綱目

唐老鵠將鵠雛矜凶挾怪什伍其徒乘人陰黑闥人屋廬

我室既毀我社亦墟嗟爾梟今移南荆入東吳汝音不革
將焉如舊主喪鬼車新主聽之勸我又若提胡廬嗟嗟敬
大夫墓門刺汝不容誅磔以警百官百官無詐狙敬大夫
亦何愚何如不輔唐李烏新主自是鴟之渠

五代史循父子依朱友謙於河中其後友謙叛梁降晉
晉王將即位求唐故臣在者友謙遣循至魏州見循始
至望州廨廳事即拜謂之拜殿及入謁舞頭呼萬歲而
稱臣晉王大悅文獻通考十國一王蜀二孟蜀三吳四
唐五吳越六閩七楚八
南漢九荆南十北漢

王鐵鎗

王鐵鎗梁武夫馬上隻運一百廿斤爰君王一笑問寇敵
三日破鄆信非誣君側惡未掃鼠奴代招討保鑾騎士誰

作監帳底三軍成惇悌鐵鎗來叶嗚呼鬪雞兒鐵鎗折羞

見邈佶烈同光主莫相呼豹皮一死誓作朱家奴嗚呼王

鐵鎗非武夫朝唐暮晉何物詩書

五代史死節傳王彥章驍勇有力持一鐵鎗騎而馳突
奮疾如飛軍中號王鐵鎗梁晉爭天下為勦敵獨彥章
心常輕晉王曰亞次鬪雞小兒耳何足惧哉時晉已盡
有河北而梁末帝昏亂趙巖張漢傑用事彥章謀不見
用晉取鄆州敬翔入見末帝曰事急矣非彥章不可乃
召為招討使敬翔為副末帝問破敵之期彥章對曰三
日彥章受命而出馳兩日至滑州置酒大會酒半佯起
更衣引兵急擊南城兩城遂破蓋三日矣趙巖從中曰
夜毀之乃罷彥章以段凝為招討使唐兵攻兗州是時
梁之勝兵皆屬段凝京師只有保鑾五百騎皆新募兵
不可用乃以屬彥章而以張漢傑監之彥章戰敗被擒
彥章武人不知書常為佞語謂人曰豹死留皮人死留
名其於忠義蓋天性也莊宗欲全活之使人慰諭彥章
謝曰兵敗力窮不死何待豈有朝事梁暮事晉生何面

目見天下之人乎莊宗又遣明宗往諭之彥章呼其小
字曰汝非邀信烈士我豈苟活者遂見殺悼悵心亂也
王褒洞簫賦悼悵悵漫亡耦失疇伶官傳敬新磨
曰陛下開國改元同光天下皆謂陛下同光帝

李天下

沙陀兒萬乘主宮中自擊花奴鼓三千宮女習吳歆三十
三弦作吳語彩衫挂上卸御袍傳眉趨作詼容舞老優磨
鏡兒手披李天下牝雞一語殺縣令優奴兩州封列社紫
樞老令言不聽三軍解甲無東征歌聲未歇酒未醒鐵鏃
已入金頂顛叶乞漿飲漿不來牝優輦道獅門開箜篌錦
瑟代文檣蒼鷹列火飛寒灰君不見景龍百官作優伎諫
官不言唐亦墜

五代史伶官傳莊宗小字亞子當時人或謂之亞次又別為優名以自目曰李天下自其為王至於為天子常身與俳優雜戲於庭伶人由此用事遂至於亡綱目唐宦者欲增廣嬪御詐言官中夜見鬼物唐主乃命采擇民女三千餘人以充後庭伶官傳莊宗嘗與羣優戲於庭四顧而呼曰李天下李天下何在新磨遽前以手批其頰曰李天下者一人而已復誰呼耶莊宗大喜綱目河南令羅貫為政不避權臺伶官請託一不報由是伶官切齒張全義亦惡之遣婢訴於劉后后與伶官共毀之會往視坤陵道薄橋壞怒下貫獄崇韜諫不得入貫竟死暴屍府門遠近冤之伶官傳戰柳胡嬖伶周匝為梁人所得其後滅梁入汴周匝謁於馬前莊宗得之喜甚周匝曰身陷仇人得不死以生者陳俊儲德源之力也願乞二州以報莊宗皆以為刺史紫樞老令謂張承業也唐家人傳郭從謙反莊宗中流矢傷甚卧絳霄殿廊下渴欲得飲后令宦者進醢酪不自省視莊宗崩后與李存渥等焚嘉慶殿推百騎出獅子門樹千貴切音位小棺也伶官傳帝崩五坊善友聚樂器而焚之嗣源入洛得其骨葬新安之雅陵通鑑中宗景龍三年上數與近臣學士宴集令各效伎藝為樂工部尚書張錫

談容娘將作大匠宗晉卿舞渾脫左衛將軍張洽舞黃
犀左金吾將軍杜元談誦婆羅門呪中書舍人盧藏用
效道士上章國子司業河東郭山惲獨曰臣
無所解請歌古詩上許之乃歌鹿鳴聽蹕

血鏃吟

予讀五代符存審出鏃戒子語比膏梁家遺子以
金玉而速其蕩覆者賢矣孝子之情不能不動於
中為作血鏃吟

李中書符氏父血戰淋漓起門戶毒刀鑿骨出鏃頭夜夢
沙場洗殘雨丹砂凝血狼牙錐古劍共匣銅龍悲聞雞走
犬符家兒爾父辛苦那得知符家兒泣鏃語啼血傷親抱
慈母風陰雨濕同一痛地裂天摧崩五腑血鏃哀我父蓼

義之情情萬古莫將古墳寄戰場白帝城頭一堆土

五代史符存審傳初名存晉王以為義兒軍使賜姓李氏名存審以節度使加同中書門下平章事臨終戒其子曰吾少提一劍去鄉里四十年間取將相然履鋒冒刃出死入生而至此也因出平生身所中矢鏃百餘而示之曰爾其能哉

琉璃瓶

琉璃瓶水晶筋底三姓名上禱天眼天難明盧家兒爵中書太原賊起君王問汝將何如不愈唐家崔與盧

唐潞王清泰元年欲更命相問野觀臣聞望其為相者皆以姚顗盧文紀崔居儉對帝不能決乃置其名於琉璃瓶夜焚香祝天以筋挾之看得文紀遂以文紀為相石敬瑭起太原潞王北征頤文紀曰自卿為相謝罪議皆云可致太平今日至此卿宜如何文紀惶恐謝罪見五代史盧文紀傳新書姦臣傳盧杞字子良崔允字

垂休

警枕辭

不睡龍醒復醒珊瑚圓木搖金鈴五花寶簾芙蓉屏銅盤
雪粉香淺清樓墻銅彈飛霹靂夜半更奴起辟易圓木功
無與敵吳越封疆平地闊四世三王安衽席

吳越王錢鏐自少在軍中夜未嘗寐倦極則就圓木小
枕或枕大鈴寐熟輒欹而寤名曰警枕置粉盤於卧內
有所記則書盤中比老不倦或寢方酣外有白事者令
侍女振鈴即寤時彈銅丸於樓墻外以驚值更者嘗微
行夜叩北門吏不敢啓闕曰雖大王來亦不啟乃
自他門入明日召北門吏厚賜之見吳越備史

荆臺隱士

白衣客參國謀渤海帷幄吾何留但願稱隱士歸土州醉

披鶴氅騎黃牛九華先生不回首千古萬古名繆醜

梁開平元年依政進士梁震歸蜀過江陵高季昌愛其
才識留之欲奏為判官震耻之欲去恐禍及乃曰震素
不慕榮官明公不以震為愚必以參謀議請以白衣侍
尊俎可也季昌許之震終身止稱前進士季昌以為謀
主呼曰先輩同光元年高季興在洛陽帝欲留季興倍
道而去至江陵握震手曰不用君言幾不免席口清泰
二年高從晦立以兄事震震常謂從晦為郎君且曰先
帝以國王屬我今嗣王能自立不墜其業吾老矣不復
事人矣遂固請退居從晦為之築室於土州枝鶴筆自
稱荆臺隱士每詣府騎牛至廳事從晦時過其家四時
賜予甚厚以壽終見南平世家季興本名季昌南唐世
家宋齊邱為昇謀篡楊氏最有力及事成乃陽入九華
山昇屢招之乃出景立齊邱不得
意願復歸九華山賜號九華先生

朱延壽妻

夜聞目青子肺腑變仇讐英英朱氏婦烈氣橫斗牛百口

同一死一燎焚高樓伯姬錄爾卒誰執唐春秋

唐書朱延壽妹楊行密夫人行密狎延壽延壽怒陰與田頌通謀洩行密詐為目疾謂夫人曰吾不幸目疾府事當悉以授三舅夫人以書招延壽至執而殺之延壽赴名時妻曰此行吉凶未可知可日發一使以安我一則集家人聚寶貨焚府舍曰妾誓不以皎然之身為仇人辱遂赴火死列女傳伯姬魯宣公女嫁宋恭公遇夜失火保傅不俱遂逮於火而死

淮南刺客辭

刺客在春秋為翩豹之書也然有不為盜行者如
晉鉏麇唐紇平之流其可例以翩豹律之乎五季
之亂有如張顥之所遣者吾義其人謂鉏紇之徒
非歟使可求死於刺則顥不得而梟祥不得而輟

矣昔人論紀信誑楚存漢開漢之祚四百年論其功宜在蕭曹之上今張刺客誑顥而可求以討吳國之賊其功又豈秦章輩之下耶

晉刺客不殺朝服臣唐刺客不殺寢苦人淮南刺客不殺幕府賓二三天下士嗚呼梟顥首輟紀胸刺客刺客可無功

五代史吳世家楊渥行密長子也初入廣陵留帳下兵三千人於宣州以其腹心陳璠范遇將之既入立惡徐溫而溫與張顥皆行密時舊將又有立渥功共惡璠等侵其權斬之渥不能止溫顥共遣盜入寢中絞渥渥說羣盜反殺溫等惟紀祥不從執渥縊殺之隆演行密弟二子也初溫顥弑渥約分其地以臣於梁及渥死顥欲背約自立溫患之問其客嚴可求可求宜渥母史氏教隆演乃得立顥由此與溫有隙李承嗣與張顥善覺可

求有附溫意誦顯使客夜刺殺之密刺可求不能中明
日可求詣溫陰遣鍾章斬顯因盡殺紀祥等歸殺渥之
罪於顯以其事入白渥母史氏溫遂專政春秋公四
年盜殺蔡侯申左傳蔡昭侯將如吳諸大夫恐其又遷
也承公孫翩逐而射之入於冢人而卒杜預註賤者故
稱盜不言弑其君賤盜也春秋昭公二十年盜殺衛侯
之兄蔡杜預註齊豹作而不義故書盜左傳宣子驟諫
公患之使鉏麇賊之晨往寢門聞矣盛服將朝尚早坐
而假寐麇退歎而言曰不忘恭敬民之主也賊民之主
不忠棄君之命不信有一于此不如死也觸槐而死唐
書于志寧傳太子承乾數有過失志寧諫太子大怒遣
張師政統干承基往刺之二人入其第見志寧滲然在
苦塊中不忍殺乃亡去漢書高帝紀項羽圍漢榮陽將
軍紀信曰事急矣臣請誑楚可以間出於是紀信乃乘
王車黃屋左纛曰食盡漢王降楚楚皆呼萬歲之城東
觀以故漢王得與數十騎出西門遁羽見紀信問漢王
安在曰已出去
矣羽燒殺信

鐵筋行

徐知誥以宋齊邱為謀主每夜引齊邱於水亭屏
語常至夜分或居高堂悉去屏障獨置大爐相向
坐不言以鐵筋畫灰為字隨筋滅去故其所謀人
莫得而知也予悼齊邱能以鐵筋畫灰等人之國
而不得籌已之禍也

鐵筋子捍闔流挾策千里干昇州團練求秘策鐵筋為君
灰上畫鐵筋畫造國手昇元天子傳璽綬泰州囚君誰執
咎於呼鐵筋謀成繆醜君不見張留侯食借筋參機謀老
蕭未械韓未休亦松歸來第一籌

五代史南唐世家李昇以徐溫乃冒姓徐氏名知誥以
功拜昇州刺史天復三年建齊國改元昇元又陳覺齊

邱黨也宋齊邱坐覺黨與放還青陽賜死綱目宋齊邱至九華山唐主命鎖其第穴牆給飲食齊邱嘆曰吾昔獻策幽讓皇帝族於泰州宜其及此乃縊而死謚曰醜繆

將進酒

將進酒雙玉觥徐家荆樹獲聯枝酒中有鴆毒爾汝心相疑兄一飲兮弟不敢違兄不飲兮弟不敢舉卮五百分壽各相持申狎兒雙絲工奏棠棣詩兩觥不決我分飲腦血與酒相淋漓申狎兒生不恨死不悲但願兄弟和樂歌墳簫君不見唐樂工以死白東宮金刀剖出忠義胸

後唐天成三年徐知誥召知詢以金鍾酒賜之曰願弟壽千歲知詢疑有毒引他器均之跪獻知誥曰願與兄俱享五百歲知誥變色頽左右不肯受知詢奉酒不退左右莫知所為伶人申漸高徑前為誑諧掠二酒合飲

之懷金鍾趙出知誥密遣人以良藥解之已腦潰而死
矣新唐書忠義傳安金藏以太常工籍睿宗為皇嗣公
卿不復見惟工優給使得進有誣皇嗣異謀者武后詔
來俊臣問狀金藏大呼曰公不信吾言請剖心以明皇
嗣不反也引佩刀自
割腹中腸出被地

檻車行

檻車成狼牙釘狼牙鑿鑿刺人骨鋒血點點銅花腥建州
城未解圍三軍不進將何為三軍誓得檻車子檻車之車
且勿馳大鵬笏如神錐啓聖門前擊老鴟剖鴟心吮鴟血
一刀斲刀斲霏雪檻車子天好還老鴟三日身先殘君不
見唐家鐵甕子請兄入甕死

吳兵圍建州閩主璘遣張彥柔救建州軍及中塗士卒
不進曰得薛文傑方能討賊馳使聞太后及福王繼膺

泣謂璘曰文傑盜美國柄上下怨憤久矣今吳兵深入
士卒不進社稷一旦傾覆留文傑何益文傑出繼鵬以
笏擊之於啓聖門外檻車送軍前士卒踴躍食之初
文傑以古制檻車踰潤更爲之形如木櫃橫以鐵芒內
向車成文傑首自入焉文傑善術數自云過三日可無
患送者聞之疾馳二日而至事見五代史聞世家鐵甕
子見卷五
兄入甕

落葉辭

后皇嘉樹翠葉翹翹植於東垣春陽韶韶根未撥兮歲未
凋一葉落兮隨風飄寶皇殿肆巫妖樓頭春燕飛凌霄葉
落清兮水迢迢

開主親以永泰葉翹爲內宣徽使親以師傅禮待之多
所裨益宮中謂之國翁祖繼嗣位不與翹議國事翹衣
道士服趨出祖召還拜之曰軍國事殷久不接對孤之
遇翹頓首曰老臣輔道無狀致陛下即位以來無一善

可稱願乞骸骨祖曰先帝以孤屬公政令不善公當極
言奈何棄孤去厚賜金帛慰諭令復位祖發李春燕翹
諫之祖不悅復上書祖批其紙尾曰一葉隨風落御溝
遂放歸永泰見綱目路王泰清二年五代史閏世家麟
婢春燕有色其子繼鵬烝之繼鵬既立更名祖祖亦好
巫拜道士譚紫霄為正一先生又拜陳守元為天師而
妖人林興以巫見幸祖愈惑亂立
父婢春燕為淑妃後立以為皇后

王承綱女

王客女春花面璞玉軀青年已許東家夫如何君王亂禮
法合歡重綰雙羅襦感君恩侍君酒但念高堂父與母願
君知妾心使妾東家奉箕箒君一怒父萬里魂飛鸞刀逐
父死不殉牽羊秦國鬼

蜀軍使王承綱女將嫁蜀主聞其美強取入宮承綱力
請之蜀主怒流茂州女聞父得罪自殺蜀主降封秦口

三閣圖

金陵新閣空中起，
席踞龍蟠，
幾鳳倚沉檀，
雕柱闌玉螭，
麗華吹笙綵雲裏，
水晶簾空灑明月，
三十六宮白於水，
紅塵巴馬四百秋，
五城少障五花毬，
綵繒山頭蓋宮殿，
山前十二銀潢流，
健娥五百曳錦纜，
金蓮吐影上下金銀州，
二三狎客混歌舞，
中有酒悲淚如雨，
嘉州諷諫三閣圖，
秦川別幸千花株，
回鶻隊鴉羣呼夜半卷土昌，
湓淪黃茆縛髻口，
銜壁草降表，
王中書嗚呼玉樹聲中作，
唐虜門外崇韜是擒帟。

蜀主奢淫嘉州司馬劉贊獻後主三閣圖并作歌以諷之王承休又請蜀主東遊秦川毀府署作行宮先獻花木園主與承休妻嚴氏通遂銳意行自秦川歸成都百官及後宮迎於七里亭主入妃嬪作四鵲隊入宮魏王絕爰至綿州命翰林李昊草降表又命中書王績草降書王宗弼引上及百官儀衛出降於昇仙橋主白衣銜壁草繩紫首百官縗經徒跣與檟號哭繼爰受驛崇韜解縛焚櫬承制釋罪見五代史前蜀世家南史陳紀論始梁末童謠云可憐巴馬子一日行千里及僧辨滅羣臣以謠言奏聞曰僧辨本乘巴馬以擊侯景

李客省

李嚴解亡蜀亡蜀亦亡唐人知啼血母已悟孟知祥孰知白日相料敵在高堂

唐樞密使安重誨頗疑孟知祥有異志思有以制之復以客省使李嚴為監軍知祥謂李嚴曰公前使蜀歸請兵伐蜀莊宗用公言遂至兩國俱亡公今復來蜀人誤矣且天下皆廢監軍公獨來監吾軍何也嚴惶怖求去

知祥曰衆不可遏也遂揖下斬之先一年嚴自請為西
州監軍將以制知祥其母謂嚴曰前日啓滅蜀之謀今
日再往必以死報蜀人矣見
五代史李嚴傳及後蜀世家

商人妻

商人妻身栖栖家住湘纍湘水西君王昨夜殺無罪良人
白日歸黃泥妾非野鴛鴦生死獲鳳皇書寄回文錦臂纏
紅守宮叶良人為我死我為雌雉經叶嗚呼司馬后真犬
羊甘奉巾櫛穹廬王

綱目楚夫人貌陋而治家有法楚王希範憚之既卒希
範始縱聲色有商人妻美殺其夫而奪之妻誓不辱自
經死晉書惠羊皇后諱獻容洛陽敗沒於劉曜
曜僭位以為皇后曜甚愛寵之生曜二子而死

張生鐵

胡風排城城欲摧黃頭奚騎連天來斷頭將軍一寸鐵百
煉精芒貫秋月兵惜馬憊鼓聲死將軍不作降胡鬼大惡
漢真狗奴殿前斫鐵拜胡雛生鐵生鐵鐵不枯胡雛祭墓
雙膝膜

綱目晉安被圍援兵不至張敬達性剛時謂之張生鐵
楊光遠安審琦勸敬達降於契丹敬達曰吾受明宗及
今上厚恩為元帥而敗軍其罪已大况降敵乎今援兵
旦暮至且當俟之必若力盡勢窮則諸君斬我出降未
為晚也諸將且集光遠斬敬達首帥諸將降於契丹契
丹主嘉敬達之忠命收葬而祭之書書室韋東方之北
邊黃頭奚部也五代史張敬達傳晉安寨契丹圍之數
月人馬食盡殺馬而食馬盡乃殺敬達出降耶律德光
見之斬曰爾輩大是惡漢兒光遠與諸將不知其萌已
猶為謙言以對德光曰不用鹽酪食一萬匹戰馬豈非
惡漢兒耶光遠等大慙伏

樓澤育蒼校

鐵厓咏史註卷之八

目錄

石郎詞

鐵鞭郎

鐵硯子

博羅神

白麻答

帝羆行

十阿父

枕劍行

華山隱者歌

陳橋行

金櫃書

中書令

澶淵行

賓州月

悲靖康

一網謠

司農卿

張忠獻

唐琦石

金山捷

鐵象歌

岳鄂王歌

岳王行

銀瓶女

宋節婦巴陵女子行

冷山使者

寶慶權臣

獨松節士歌

咸淳師相

沈劄子辭

冬青塚

鐵厓咏史註卷之八

諸暨楊維禎廉夫著 同邑後學樓卜瀍西濱註

侄孫

大章鴻文

訂

龍最峯

石郎詞

石郎石郎臬揆豎恐背沙陀篡唐主胡雛許汝著柘黃觥
衣築壇柳林下叶池割十六州帛輸三十萬北平父子爭
山河鐵硯書生前泣諫斛律小雛一諾重石郎石不爛鳴
呼石家天子傳後主木葉山頭拜相祖

五代史晉本紀高祖父臬揆雞本出於西夷生敬塘其
姓石氏不知得姓之始綱目契丹立石敬瑭為晉皇帝

自解衣冠授之禁垣即位割幽薊瀛莫承極順新嫡儒
武雲應蒙朔蔚十六州以與契丹仍許歲輸帛三十萬
正契丹主軍柳林趙德鈞密以金帛賂契丹晉主聞之
大惧使桑維翰說契丹主曰趙北平父子素蓄異志何
可信其誣妄之辭皇帝以信義救人之急四海之人俱
屬耳目奈何一旦二三其命使大義不終臣竊為皇帝
不取也跪於帳前自旦至暮涕泣爭之契丹主乃指帳
前石謂德鈞使者曰我已許石郎此石爛可改矣五代
史四夷附錄趙德鈞事劉守文為軍校其子延壽本姓
劉氏其父邠為莒縣令守文破莒縣德鈞得延壽并其
母种氏而納之因以延壽為子後主廢帝也廢
帝入契丹經水葉山令帝夫婦拜阿保機墓

鐵鞭郎

鐵鞭郎鞭有神鐵鞭拍人能殺人石公自詘無如我七十
二節生龍鱗鞭指日日色死射天笞地爭天子我當為雪
萬世恥吁嗟偃身鐵鞭鐵鞭無復神

鐵硯子

鐵硯子廟廊器直是書生一片心泉換豎拜胡雛鐵硯之

子輔我石家六尺孤景家兒言失信十萬橫磨起兵釁胡
兒捲甲趨洛陽公鄉南走如牛羊鐵硯死不足惜誰引胡
兒亂中國君不見班超擲筆燕領而帟頭西域萬里能封
侯

五代史桑維翰傳維翰字國僑為人醜怪身短而面長
嘗臨鑑自竒曰七尺之身不如一尺之面慨然有志於
公輔初舉進士主司惡其姓以為桑喪同音人有勸其
不必舉進士可從他求仕者維翰著日出扶桑賦以見
志又鑄硯以示人曰硯救則改而他仕卒以進士及第
又出帝即位景延廣用事與契丹絕盟維翰言不能入
綱目晉開運三年契丹主大舉入寇十二月入大梁執
晉主重貴以歸殺桑維翰後漢書班超傳超與母至洛
陽家貧常為官傭書以供養父勞苦嘗輟業投筆嘆曰
大丈夫無他志畧猶當效傅介子張騫立功異域以取
封侯安能久事筆研間乎又相者指曰生燕領帟頭飛
而食肉此萬里侯相也又西域五十餘國悉皆納質內

屬封超為宅
遠侯邑千戶

博羅神

朝拜博羅神暮拜博羅神營款陰室煽聚市人張小狐八
國主日日告神聽神語邊菩薩下虔誠小狐告神神不靈
金陵市上妖血腥君不見寶皇宮殺兄殺弟身同傾

晉天福七年有神降於博羅縣民家與人言而不見形
閭閻人往占吉凶多驗縣吏張遇賢事之甚謹循州盜
賊羣起莫相統一賊帥共禱於神神大言曰張遇賢當
為汝主於是羣帥共奉遇賢稱中天八國王改元永樂
置百官後遇賢禱於神神不復言別將李台知神無驗
執遇賢以降於邊鎬斬於金陵市事見五代史南唐世
家邊鎬李景通事舍人也綱目質實博羅縣屬惠州綱
目周廣順元年唐削鎬官爵鎬初從查文徽克建州凡
所俘獲者皆全之建人謂之邊佛子及克潭州市不易
肆潭人謂之邊菩薩既而政無綱紀惟日設齋供盛脩

佛寺潭人失望謂之邊和尚五代史閩世家璘好鬼神道家之說道士陳守元以左道見信建寶皇宮以居之昶亦好巫事無大小輒以寶皇語命之虹見其宮中林興傳神言此宗室將為亂之兆乃命興率壯士殺審知子延武延望及其子五人後興事敗亦被殺延義立令其子繼業殺昶

白麻答

胡麻答不逃君王酖酒厄白麻答萬間帑藏填金帛迎春門外甲如麻刮財突入將軍衙金刀取首火焚家嗚呼白麻何足嗟輦金北歸成帝羝

白再榮貪虐謂之白麻答契丹元欲將也貪滑殘忍民間珍貨美婦女盡奪取之後郭威舉兵南向諸軍大掠入其第盡掠其財且刎其首而去事見綱目胡麻答太宗從弟也貪殘尤甚滑後漢兵入府門麻答遁歸世宗酖酒殺之

帝羆行

黑兔子白狐精石郎遠引來南征殺狐林中一回首天矢
射落旄頭星腰中白羽已先蛻昂湖飛髯安可乘鹽羆首
邱九尾窟猶勝沙邱吹鮑腥

太宗諱德光阿保機第二子也記異錄云帝嘗晝寢夢
一神人花冠美姿容輜輶甚盛忽自天而下衣白衣佩
金帶執鐃桑有異獸十二隨其後內一黑色兔入帝懷
而失之神人語帝曰石郎使人喚汝汝須去覺告其母
忽之不以爲異後復夢即前神人也又曰石郎已使人
來喚汝未決旬石敬瑭反於河東爲唐張敬達所敗急
遣趙瑩持表重賂許割燕雲求兵爲援帝曰我非爲石
郎興師乃奉天帝勅使也率兵十萬直抵太原唐師遂
衄立敬瑭爲晉帝自大梁北歸行至樂城得病崩於殺
狐林國人剖其腹實鹽數斗載之北去晉人謂之帝羆

十阿父

十阿父一阿父天子父殺人莫禦人莫禦王法戮天子
曷以處司寇執父天子竊負

五代史周世宗家人傳周太祖皇后柴氏無子養后兄
守禮之子以為子是為世宗世宗即位加光祿卿致仕
居於洛陽終世宗之世未嘗至京師左右亦莫敢言第
以元舅禮之而守禮亦頗恣橫嘗殺人於市有司以聞
世宗不問是時王溥王晏王彥超韓令坤等同時將相
皆有父在洛陽與守禮朝夕往來惟意所為洛陽人多
畏避之號
十阿父

枕劍行

陳王有利劍晝佩夜枕之防身伏劍卒為劍所屍安僕夫
昵私蔽公軀為嬖殺主不殺嬖嗟嗟安僕夫不見古妾婦
妾婦奉鴆杯陽僵覆鴆酒活主父存主母

陳王安審琦僕夫安友進與其妾通妾恐事泄與友進謀殺審琦友進持不可妾曰不然我反告汝友進殺之仍盡從之審琦醉熟寢妾取審琦所枕劍授友進殺之仍盡殺侍婢在帳下者以滅口數日其子守忠始知執友進及妾搗之列女傳周大夫號主父自衛仕於周二年且歸其妻淫於鄰人恐主父覺淫者憂之妻曰無憂也吾為毒酒以待之矣三日主父至其妻使媵婢取酒而進之媵婢心知其毒酒也計念進之則殺主父不義言之又殺主母不忠因陽僵覆酒主大怒而笞之既已妻怨媵婢言之因以他過欲殺之媵知將死終不言

華山隱者歌

世宗召陳搏問以飛昇黃白之術對曰陛下為天子當以治天下為務安用此為乃遣還山予嘗論曰以搏為隱士耶則出赴世宗之聘以搏為方士耶對世宗不以飛昇黃白之術而必以治天下為

務搏蓋世間之傑經世之士不幸生五季也出與
世驅則不能為亂臣朝梁而暮晉南吳蜀而北幽
并也故依隱以玩世及聞趙祖超一笑而知天下
可定華山之雲遂高枕矣世宗能聘而不能用乃
以方士蓄之且其急返故山也他日宋君臣亦以
脩養術叩之搏言曰白日昇天何益於治聖君賢
相正合德共治之時勤行脩煉無以出此叅此言
也搏豈隱士耶方士耶

華山人帝者師人中仙長生老魅讀書我山巔我方一枕
羲皇前汝且朝唐暮晉婢膝護眉肩陳橋馬龍天一笑歸

去不知山中今日為何年

宗史陳搏傳居華山雲臺觀依止少華石室無心世事
居嘗寢處百餘日不起太宗賜號希夷先生陳搏通鑑
陳搏聞太祖代周曰天下自此定矣五代史馮道傳事四姓十君自號長樂老

陳橋行

兩日盪重光點檢作天王崇元殿上行禪章制書私草脩
文郎趙書記正皇綱遺孤披麻在金床胡為猝霍馬上醉
擁黃衣裳何以朝萬國昇明堂

宗史太祖次陳橋驛軍士集門宣言願推戴即以黃袍
加太祖身羅拜於前呼萬歲又世宗偶閱四方文書忽
得韋囊中題云點檢作天子心大異之時張永德為點
檢世宗命太祖代之陶穀傳恭帝將禪位猶未有詔穀
時在旁曰已成矣乃出諸袖中陳樞通鑑宣徽使引匡
允就連北面拜受已乃掖升崇元殿服袞冕即皇帝位

趙普傳太祖用為掌書
記陳橋推戴普先預聞

金櫃書

金櫃書趙家光義為皇儲龍行虎步狀日異狗趨鷹擊勢
日殊膝下豈無六尺孤阿昭阿芳非呱呱夜聞鬼靜燈檠
糊大雪漏下四鼓餘床前地戩柱斧史家筆無董狐嗚呼
朱牌金字火羊飛藝祖在天天可欺

陳桎通鑑太后疾革召趙普入受遺命謂宋主曰汝知
所以得天下乎正由周世宗使幼兒主天下故汝得至
此汝萬歲後當傳位光義光義傳光美光美傳德昭國
有長君社稷之福也宋主泣曰敢不如教后顧趙普曰
爾同記吾言不可違也普即榻前為約誓書於紙尾署
曰臣普記藏之於金匱命謹密宮人掌之商輅綱目帝
友爱光義數幸其第每對近臣言光義龍行虎步他日
必為太平天子福德非吾所及也李燾長編帝不豫壬

子夜大雪帝召晉王屬以後事左右皆不聞時遙見燭影下晉王時或離席若有所遜避之狀既而上引柱斧截地大聲謂晉王曰好為之役音摧築也春也按李燾長編本吳僧文瑩所著湘山野錄而歐陽元等所脩宋史書開寶九年冬十月癸丑夕帝崩於萬歲殿王繼恩稱遺詔迎太宗即位詰旦太宗入謁受遺踐祚先生詩意蓋不以宋史為信也

中書令

中書令貴戚鄉我國既滅我何用生棄汝鐵券繕我兵兵不勝以死下見先皇靈宋賞令句節當旌胡為重兵屠我

城

宏簡錄李重進周太祖甥以色黥號黑大王入宋加中書令移鎮青州重進初與太祖分掌兵柄常心憚之因不自安及聞移鎮密謀頗露太祖遣六宅使陳思誨齎錢券以安其心重進自以周室近親終不得全乃拘思

誨治城繕兵宋主親征徑至城下即日拔之重進
舉族赴義縱火自焚宋主聞其黨數百人盡戮之

澶淵行

余嘗論澶淵之役如博勝負懸於一氣如劉毅張
乖崖是已一夫之氣其動物者如此而況英君傑
相雄將盛氣之鼓三軍其胸次已無夷離堇之種
落者乎宜其事了於五日不違期尅孤注之采不
歸於準得乎子儀單騎見虜歷以誠冠準擁主臨
虜歷以氣事勢不同取效則一惜景德之君以姑
息從事而準之大志不終宋不稱臣李繼昌馳誓
書反燔其鬼母而俾虜以弟我雖曰南北弭兵弭

兵實準之遺恨也

陽城浞高陽閔邊書告急夕五至皇帝親至岢嵐山殿前
寇相一斗膽焚蜀謀臣謀可斬陽光抱珥已開光床機一
發中撻覽雄謀獨斷衆勿搖孤注一擲先成梟跋河不渡
勢不止賈勇况有高嫖姚千羊萬犬銳若隼望見龍光氣
俱盡萬歲聲呼天可汗擎天一柱唯付準飛龍使脩載書
鬼母尚執閔南圖君不見漢家玉帛賜單于何嘗割地分
邊隅却憐藝祖歲帛二十萬不博黑子一萬蕃枯顙

宋史寇準傳景德元年契丹內寇邊鄙告急一夕書五
至準不發欲發自如帝大駭召問準對曰陛下欲了此
不過五日爾因請幸澶州帝不得已始議親征既而契
丹進圍瀛州直至貝魏中外震駭王欽若請幸金陵陳

堯叟請幸成都帝問準準曰誰為陛下畫此策者罪可
誅也今陛下神武將臣協和勞逸之勢我得勝美奈何
輕棄廟社遠幸楚蜀人心崩潰天下可復保耶遂決策
及至南城衆請駐蹕以覘軍勢準固請曰陛下不過河
則敵氣未懾不可以決勝帝猶未決準出遇高瓊謂曰
太尉受國恩今日有以報手對曰願効死準復入對瓊
立進下準厲聲曰陛下不以臣言為然試問瓊等瓊即
仰奏冠準言是準曰機不可失宜趣駕瓊即麾衛士進
輦帝渡河御北城門樓遠近望見御蓋踴躍呼聲聞
數十里契丹相視驚駭帝盡以軍事付準敵勢斬獲大
半上徐使人視準何為準方與楊億飲博上喜曰準如
此吾復何憂相持十餘日其統軍撻覽出督戰遇威虎
軍頭張懷守床子弩發矢中撻覽死乃密奉書請盟準
不從使者請益堅帝亦厭師準不得已遣曹利用如契
丹議歲幣帝謂百萬以下皆可準名至帳語曰雖有救
汝所許毋過三十萬過此吾斬汝矣利用至果如數成
約而還河北罷兵皆準功也王欽若深嫉之一日會朝
準先退帝目送之欽若進曰陛下獨敬準豈以澶淵之
功耶城下之盟春秋取之此行是也陛下冠率之師
翰錢欲盡乃罄所有出之謂之孤注陛下冠率之師

也斯亦危矣由是殲準寢哀真宗本紀景德元年九月
乙亥契丹大舉入寇駐兵陽城從因王繼忠請講和上
遣曹利用往答之十一月庚午車駕北巡司天奏日抱
珥黃氣充塞宜不戰而却癸酉契丹兵至澶州直犯前
軍西統軍撻覽伏弩而死十二月甲申利用還傳其國
母命起居聖躬乙未李繼昌及契丹使丁振以誓書來
稱南朝為兄北朝為弟定歲幣絹二十萬匹銀一十萬
兩交誓約各解兵歸按太祖嘗曰我二十足絹博一胡
兒者其精兵不過有十萬止廢我數百萬絹耳

賓州月

青擎知高次賓州懼崑崙關為賊據值上元令大
張燈燭宴將佐倏稱病如內至曉客未散忽馳報
云三鼓時已奪崑崙矣卒平廣南然非龐籍贊襄
焉能冀其成功乎

賓州海月光團團銀花大樹燒爛斑將軍如內容未散捷
書已奪崑崙關當時諫官疑武士豈知辦賊遽如此嗚呼
銅面將軍今豈無世無丞相龐公甘老死

宋史龐籍傳狄青討儂知高韓絳謂武人不宜獨任宣
撫帝以問籍籍言若副以文臣則驕令不專不如不遣
並詔嶺南諸軍受青節度既而捷書至帝歸功於籍通
鑑青起行伍面涅猶存帝嘗教青傳葉去之青指其面
曰臣所以有今日由此涅耳臣願
留以勸軍中不敢奉詔帝益重之

悲靖康

悲靖康一易姓十賣降建炎帝開朝綱解將腰臂斷臺諫
天斧不殺同安王君不見激忠肝立義胆彭王殖丁公斬

宋史欽宗靖康二年金人以二帝及后妃太子宗戚凡
三千人由汴北去張邦昌傳金令推異姓堪治國事者

立以為君宋齊愈書張邦昌三字示之遂定議王時雍
推立邦昌先署狀率百官遽拜邦昌服柘黃袍張紅蓋
觀者無不感愴康王構即皇帝位於應天府詔以邦昌
知機達變如文彦博故事一月兩詣都堂議事加邦昌
太傅李綱傳綱具三疏諫議宋齊愈謂其不可行疏論
之未發齊愈以議立張邦昌罪戮於東市按腰脅斷墓
諫謂宋齊愈腰斬於市同安王謂張邦昌漢書漢誅梁
王彭越盛其醢以徧賜諸侯史記季布列傳季布母弟
丁公為楚將逐害高祖彭城西短兵接高祖急顧丁公
曰西賢豈相厄哉於是丁公引兵而還及項王滅丁公
謂見高祖高祖以丁公為
項王臣不忠遂斬丁公

一網誣

萬法舉在一網十議春秋誅叛降議和議戰爭是否老臣
澤起開封府招來關陝葺樊鄧誓為君王復中土開中興
七十五日明黃星

李綱議張邦昌曰春秋之法人臣無將將而必誅趙盾不討賊則書以弑君今邦昌已僭位弭敵退而止勤王之師則非特將與不討賊而已朝廷既不正其罪反尊榮之此何理也又偽命臣僚一切置而不問何以厲天下士大夫乃降御批謫邦昌潭州安置受偽命臣僚論罪有差宋史綱至行在首獻十議始治僭逆罪叛謂張邦昌降謂王時雍等宋澤傳開封尹闕綱言非澤不可徙知府事宋元通鑑綱入相西碩閣陝南葺樊鄧又在相位僅七十七日按綱以建炎元年五月甲午召拜右相趨赴行在昭六月己未朔至行在八月乙亥罷自己未至乙亥為七十七日也作五日疑訛拾遺記軒轅以戊己日生故以土德稱王時有黃星之祥張衡迴天大象賦嘉大舜之登禪耀黃星而靡鋒

司農卿

一綱重九鼎一澤堅萬城九鼎一轉城一傾雲中騎下維揚兵赭衣倉皇易介冑翠蓋望望東南征廷中之臣誰

咎六軍錯殺司農卿

宋史帝在揚州粘罕引大軍來間道趨揚州使上不得
出黃潛善傳上在廣陵金人突至帝大驚乃倉皇南馳
都人爭門而出死者相枕藉無不怨憤司農卿黃鈞至
江上軍士聞其姓誤以為潛善爭數其罪揮刃而前鈞
方辯其是非而首已斷矣

張忠獻

陽烏白日沉虞淵百鳥泣血悲杜鵑兩狐不逐三鼠磔啼
嬰抱出黃簾前黑輿迫脇亦可憐二十六日民無天張韓
大將漢周勃劉呂神機亦飄忽馮輶甄援牛馬走虎口持
書爭出沒安國夫人奔內京黃麻使臣斬閭律內間相從
徒具員簾下草奏真長物築京觀尸悖骨張忠獻功第一

宋史張浚謚忠獻時扈從統制苗傅劉正彥作亂奉皇子勇即位請太后臨朝徙帝居於睿聖宮大赦改元張浚命平江守臣湯東野秘不宣詔起兵討之論張俊俊曰此須侍郎濟以機術毋驚動乘輿江陵呂頤浩遣人寓書於浚曰時事如此吾儕可但已乎答書約共起兵浚又念傅等居中欲得辨士往說之馮輅請行會韓世忠自海道赴行在浚聞之曰世忠來事濟矣浚招以書世忠得書舉酒酹地曰誓不與此賊共戴天浚呼將士曰聞賊以重貲購吾頭若浚此舉違天悖人汝等可取浚頭去衆皆感憤願浩至平江劉光世兵亦至浚乃草檄聲苗劉之罪乞建炎皇帝即位兩派謂潛善伯彥三鼠謂康履藍珪曾擇宋史宦者傳藍珪康履恃恩用事與曾擇或踞坐眈眈足立於左右至令馬前聲諾故疾之者衆苗傅傳帝憑闌問故傳厲聲曰陛下信任中官軍士有功不賞結內侍即得美官黃潛善汪伯彥誤國安慶左右王淵遇敵不戰反除樞密臣立功多止得遇郡國練臣已斬淵首更乞康履藍珪曾擇以謝三軍黑輿謂隆祐皇后宋史哲宗后孟氏傳號元祐太后尚書省言犯后祖名易以所居宮名稱隆祐太后苗傅與劉正彥謀作亂太后諭曰今皇帝聖孝無失德止為黃

善汪伯彥所誤皆已逐矣傳等必欲立皇太子后曰今
疆敵在外我一婦人抱三歲小兒何以令天下按宋史
建炎三年三月癸未苗劉迫帝遜位皇子甲申改元明
受四月戊申太后詔帝還宮庚戌復建炎彌是二十六
日也哲宗后孟氏傳召見韓世忠妻梁氏勉令速來以
清殿陞韓世忠傳等質其妻子矯制除定國軍節度
使屯江陰世忠以好語報之朱勝非以計脫其妻子給
傳曰今白太后遣往慰撫世忠則平江諸將益安矣傳
等從之白梁氏入封安國夫人俛迓世忠梁疾驅出城
一日夜抵秀適明受詔至世忠取焚之斬其使曰吾知
有建炎不知有明受內間相從謂朱勝非也宋勝非傳
時屬草創憑一敗鼓草改元制按苗劉之變雖諸將之
功而倡義勤王者浚也浚至杭州誅賊逆黨浚入
見上伏地涕泣上問勞再三解所佩玉帶賜之

唐琦石

荆軻七博浪椎唐琦石三壯兒不了事永為人所嗤我獨
歌壯兒義憤千古奇成敗論人吾不知琶八子私殺之豈

如慶忌者成名萬古于要離

為

宋史金甌八犯越州衛士唐琦袖巨石擊甌八不中死
之史記刺客列傳荆軻引其匕首以擣秦王不中中銅
柱留侯世家良得力士為錢椎重百二十斤狙擊秦皇
帝博浪沙中誤中副車呂氏春秋吳王欲殺王子慶忌
而莫之能殺要離曰臣能之吳王加要離罪焉擊執妻
子焚之而揚其灰要離走往見王子慶忌於衛曰吳之
無道也愈甚請與王子往奪之國王子慶忌曰善乃與
要離俱涉於江中江拔劍以刺王子慶忌王子慶忌猝
之技之於江浮則又取而技之如此者三其卒曰汝天
下之國士也幸汝以成而名要離得不死歸於吳伏劍
死而

金山捷

金山捷將軍料敵如神明
朱禽玉帶鵲先禽錢爪鷹龍皇
廟前鼙鼓鳴紅袍脫兔千人驚
白馬刑颺風停五綬火鴉

然水疆天矢未殪旄頭星

宋史韓世忠傳世忠以海艦進泊金山授健卒以錢緡貫大鉤敵舟錄而前海舟分兩道出其背每絕一緡則曳一舟沉之兀術窮憾求會語祈請甚哀世忠曰還我兩宮復我疆土庶可相全兀術語塞有閩人殺以舟中載土上鋪平版穴船板以權槳風息則出有風則止海舟無風不可動也又謀鑿大渠接江口則在世忠上流潛於半夜鑿渠三十里刑白馬剔婦人心自割其額以祭天次日風止我軍帆弱不能運金人乘小舟縱火矢下如雨得絕江遁去先是世忠料敵必登金山廟觀我虛寔預遣百兵伏廟中百兵伏岸側約聞鼓聲內外合擊果有五騎闖入伏發僅得二人逸其三中有一絳袍玉帶墜馬復馳者詰之乃兀術也又金兵至世忠先已屯焦山寺受金將李選降按兀術將李選呼為錢爪鷹本江淮宣撫使潰卒

鐵象歌

去年殺趙哲今年殺曲端王家小兒造赤丸鳳翔仇家炙

人肝張宣撫開西都淫殺健將心何如西人望端如望歲
豈比馬謖誅當誅詐旗可以走婁宿鐵象不能追的盧鳴
呼象兮象兮吾與汝同死象兮象兮吾逝矣

宋史曲端傳宣撫張浚欲復用端王庶又從而間之浚
遂送端詣恭州獄提點刑獄武臣康隨嘗忤端端鞭其
背隨恨之入骨端仰天嘆曰吾死矣大呼錢象可惜數
聲乃赴建錢象者端馬也日馳四百里既至隨令微吏
械繫糊其口脇之以火端乾渴求飲予之酒九竅流血
而死張浚傳趙哲擢離所部浚斬哲以徇王家小兒謂
庶鳳翔佚家謂康隨綱目丞相亮伐魏戰於街亭敗績
參軍馬謖違亮節度乃收殺之曲端傳婁宿攻陝西關
隴大震端治兵守麻務鎮遣
吳玠為先鋒據清溪嶺破之

岳鄂王歌

予讀飛傳寃其父子死而陰報之事史不書乃死

於稗官之書張巡之死誓為厲鬼以殺賊烏知飛
死不為厲以殺檜乎吾不敢以鬼死其英爽而此
之以厲之辭曰

生兮人之英死兮厲之靈國有駟兮推我國長城善寡與
兮惡好朋大霧蔽天兮天日不我明嗟爾厲兮謁上帝兮
上征萬八千丈兮華之頃叶帝命我兮司陰刑剡爾駟兮
赫以就冥嗟爾厲兮人之英

宋史岳飛傳嘉定四年追封鄂王原註飛死為神居天
台第一峯禽檜受諸苦楚呂氏春秋段干木晉之駟僧
也

岳王行

飛來屋上鵲漂流甕中雛大野收岐幾夢澤乳於菟蹶張
八石弩地盤丈八及拔身列枝中即上青皇書燕雲誓掃
犬羊穴河洛未復冠裳區平生知己張都督未信八日開
西樞拐子連珠斷如草背鬼先鋒雄若驅兩河豪傑收赤
幟千里父老馱青芻忙查內附元术慟黃龍直造無須臾
皇天后土不監我忠赤白虹貫日賜屬鏤錦山錦水邊一
隅神州何時歸版圖周兵入鄴明月墮胡馬南牧長城殂
燕南書生已料敵東臆老魅何足誅嗚呼吳牙執信及六
主茅旌孤兒過故都

宋史岳飛傳生有神力未冠挽弓三百斤弩八石又單
騎持丈八鎗刺殺黑風大王又飛在諸將中年最少以

列校拔起累立顯功又高宗即位上書言敵方謂吾示
弱宜乘其怠又飛表謝有唾手燕雲之語又杜充棄東
京還建康飛諫曰中原地尺寸不可失今一舉足此地
非我有他日欲復之非數十萬衆不可充不聽又飛策
金人舉國南來巢穴必虛若長驅京洛以薄之彼必奔
命可坐而斃又飛奉命招捕楊么時張浚以都督軍事
至潭參政席益與浚語疑飛玩寇浚曰岳侯忠孝人也
兵有深機何可易言會台浚還防秋飛袖小圖示浚浚
欲俟來年議之飛曰已有定畫都督能少留八日可破
賊果八日而賊平浚嘆曰岳侯神矣也久先是金人選
勁軍皆重鎧貫以韋索三人為聯誦揚子馬官軍不能
當及是以萬五千來飛戒步卒持麻扎刀入陳勿仰視
第砍馬足一馬仆二馬不能行遂大敗兀求大慟曰自
海上起兵常以此勝今奈何又飛謂雲曰賊屢敗必還
攻類昌汝宜速援王貴既而兀求至貴將遊奕雲將
背窺戰於城西又飛以背窺騎五百奮擊兀求又飛招
納兩河豪傑皆期日與官軍會其所揭旗以岳為號百
姓爭挽牽車牛載糗糧以饋義軍頂盆焚香迎侯者充
滿道路又龍飛大喜詰其下曰直抵黃龍府與諸君
勝自北方來降飛大喜詰其下曰直抵黃龍府與諸君

痛飲耳又檜矯詔捕飛父子下大理鞠問使者至笑曰
皇天后土可表此心又方元术欲棄汴去有書生叩馬
曰太子毋走岳少保且退矣古未有權臣在內而大將
能立功於外者岳少保且不免况欲成功乎江湖雜記
秦檜既殺武穆向靈隱寺祈禱有一行僧狂言讖檜檜
問其居址僧賦詩有家在東南第一峰之句檜令隸何
立物色立至宮殿見僧坐決事立問答曰地藏王決檜
殺岳飛事數卒引檜至身荷鍬砌砌首垢面呼告曰偽
語夫人東窗事發矣通鑑建炎而後六主百五十年又
咸淳十年帝昀即位年四歲又德祐二年謝太后與帝
隨元兵北行

銀瓶女

岳家父國之城秦家奴國之傾皇天不靈殺我父與兄嗟
我銀瓶為我父提縈生不贖父死不如無生千尺井一尺
瓶瓶中之水精衛鳴

西湖塵談浙江憲臺乃岳鄂王故第至今祠公為土神其迹前有井相傳公過禍時其少女抱銀瓶墜此井死杭州府志忠烈廟祀少保鄂國忠武王岳飛以其子雲雷震霖附焉後作寤堂像王夫人與其女忠孝祠祀武穆長子繼忠侯雲以王女銀瓶娘子附像致祭

宋節婦巴陵女子行

岳州破拔都惡鈔如烏險如壑巴陵之女玉燕飛中道零落無時歸巴陵之女清如玉下有黃龍千仞谷巴陵女投身焚龍腹龍爾有神篤生忠臣亂為龍逢比干治為周召甫申

宋史韓氏女字希孟巴陵人少明慧知讀書善為詩聞慶元年年十八元兵至岳陽為卒所掠將挾以獻其主女知必不免竟赴水死越三日得其尸於練裙帶上有詩曰我質本瑚璉宗廟供蘋蘩一朝嬰禍難失身戎馬

間寧當血刃死不作衽席完漢上有王猛江南
無謝安長號赴洪流激烈推心肝讀者哀之

冷山使者

洪使者雲中居不受偽命官寧作牧羊奴冰山寒墮指乞
食教胡雛服食言語殊使者噉雪歌穹廬豈不解脩粘罕
書黃金寶馬千駝車歸來割地和單于

宋史洪皓為金國通問使金遇使人禮薄留幾一年始
底雲中粘罕迫仕劉豫離曰萬里銜命恐事異姓耶粘
罕怒將殺之旁一校喏曰忠臣也為之跪請得流涕冷
山乃陳王悟室聚落穴居百家地苦寒四月草生八月
已霜居二年不給衣食盛夏猶毛布悟室素禁做間皓
有學令教其子得偕如燕復留雲中凡居燕十五年會
金大赦得遣還始至見於內殿帝曰卿忠貫日月雖燕
武不能過脩粘罕書謂秦檜也秦檜在鹵為徽宗書上
粘罕結和議賜金帛建炎四年鹵攻楚州乃使乘船厚
載而歸俛主和議為鹵內助詭言殺國監已奪舟而歸

寶慶權臣

史新恩一漏語朝為皇儲暮為鹵會稽望氣如玉虹渡江
二馬一馬龍湖州二潘非二五夜擁黃袍拜真主一時雞
狗余與梁詆法真魏加無將四十年南國治定策無功推
老吏揚州制臣無一夔金甲斬關吾未知

宋史貴和為皇子賜名竑時史彌遠當決配八千里宮壁有輿地圖
平常書字於几曰彌遠當決配八千里宮壁有輿地圖
常指竑屋曰他日得志置老賊於此又呼為史新恩言
非新州即恩州也彌遠大懼日夕思所以處竑願竑不
知也時理宗同在選亦後沂却賜名昀寧宗崩彌遠在
禁中遣快行宣皇于令之曰今所宣是沂王府皇子非
萬歲巷皇子苟誤則汝曹皆處斬竑屬目牆壁間見快
行過其府不入疑焉已而擁一人徑過天已暝不知為
誰甚惑聞命亟赴引就舊班遙見燭影中一人已在御
坐閣門贊呼百官拜舞又理宗皇帝諱昀父希彛母全

氏生於紹興山陰之虹橋里第又余天錫史彌遠弟子
師會彌遠與皇子竑有違言念欲廢置陰借以為後備
值天錫秋試歸曰今沂王無後宗子賢厚者幸俱以來
天錫渡江抵越西門避雨全保長家保長知為丞相館
客肅具雞黍酒更引二子侍立問之曰此吾外孫日者
嘗言後當極貴詢其姓名長曰趙與莒次曰與芮又問
其行革良是選以告於彌遠命招二子來見密諭天錫
曰二子長者最貴宜撫於家即理宗也左傳驪姬嬖欲
立其子賂外嬖梁五與東閔嬖五二卒與驪姬譖羣
公子而立奚齊晉人謂之二五耦宋史寶慶元年湖州
人潘壬與其兄甫弟丙潛通李全謀起兵立竑推至州
治以黃袍加身比明視之衆不滿千皆太湖漁人竑知
其謀不成乃率州兵致討告變於朝彌遠命將往討至
則已平矣彌遠忌欲殺之令竑稱有疾遣門客余天錫
詣竑諭旨逼繼之又梁成大誦事彌遠甘心鷹犬言若
得八臺必能擊去偽學寶慶二年拜監察御史奏魏了
翁竑德秀宜削秩貶竄又趙葵言於朝曰李全大逆逆
視朝廷葵日夕延頸以候制帥設施今乃聞遣王節入
鼎城祈哀於逆又聞遣二吏請命賊婦堂堂制閫如此
舉措豈不貽笑天下已而全攻揚州東門葵親出捍戰

數戰皆捷余與梁謂天錫成大
一變謂趙葵金甲斬關謂李全

獨松節士歌 并引

獨松節士者富春古先生馮驥也仕宋為大理寺
丞淳祐初守獨松關大軍壓關主將有賣降者獨
節士殉關以死炳然已列史傳其孫士願出節士
讀書所來青樓卷求題余感壬辰之變守關者無
節士之節為賦獨松節士歌

獨松托根國西戶千載風雲據龍虎大樹將軍之子孫特
立東南天一柱疾雷夜破釣魚臺黃鬚鐵甲連山來獨松
節士真柱石一力當關萬花開虜毛將士獻地圖津頭相

國來乘桴獨松未折重趙鼎鐵甕已破差胡膜白頭老父
話往轍地險由來重人傑紅蠻昨夜斬關來二十四州俱
瓦裂我欲開頭問獨松獨松已殉烏號弓來青書屋江之
東五雲繞屋光如虹

杭州府志獨松嶺在餘杭縣西北九十里高四十二丈
長五里去嶺二里有關名獨松陳樞通鑑恭宗德祐元
年元軍破獨松關守將張濡遁馮驥死之宋史德祐元
年十一月獨松關告急調民兵出守已丑關破馮驥死
之贈集英院脩撰張濡遁後漢書馮異傳諸將並坐論
功異常獨屏樹下軍中號大樹將軍通鑑續編元順帝
至正十二年壬辰秋七月徐壽輝兵犯昱關未攻
杭州城中猝無備江浙參知政事樊執敬中鎗死

咸淳師相

開慶班師捷何有大國行人在沌口斷橋功臣嫉如仇讎

壁更忌鐵精猴峴山萬堞包長圍葛山賜第兼賜妃真珠
搭當錦地衣寶穴妖蛇歸不歸羅刹江頭白日瞽黯淡灘
前射工語輪舟不運水底龍拉脅俄驚廁中席

宋史度宗本紀帝尊似道有定策功每朝必答拜稱曰
師臣而不名賈似道傳開慶元年元憲宗自將征蜀遣
皇弟攻鄂州乃詔似道軍漢陽援鄂即軍中拜右丞相
封茂國公十月鄂東南破再築再攻之賴高達率諸
將力戰十一月攻益急死傷至萬三千人似道大懼密
遣宋京詣軍稱臣納幣不許會忽必烈聞其主殺拔若
而北留張傑間旺以偏師候湖南兵至傑作浮梁新生
磯濟師北歸似道用劉整計攻斷浮梁殺賊兵百七十
追至白鹿磯匿和議稱臣之事上表以肅清閩帝謂其
再造功加少傅復進少師封衛國公斷橋功臣謂曹世
雄鐵精猴謂劉整妃謂宮人葉氏白日瞽謂渡江日日
食賈似道傳曹世雄在軍中事不開白故似道恨之因
命官行打算法歆汙蟻閭臣坐世雄侵盜官錢貶遠州
通鑑續編劉整叛於蒙古初賈似道出師整及高達曹

世雄功居多似道憾其輕已令呂文德據撫三人罪世
雄死達亦廢棄整聞之俱率所部降於蒙古賈似道傳
賜第葛嶺迎養其中吏抱文書就署又日坐葛嶺起樓
閣亭榭取宮人葉氏及娼尼美色者為妾日肆淫樂又
似道酷嗜寶玩建多寶閣一日一登玩聞余珩有玉帶
求之已徇葬矣發其塚取之輟耕錄浙江一名錢塘江
一名羅剎江所謂羅剎者江心有石即秦望山脚橫截
波濤中商旅舡到此多值風波所困而傾覆遂呼云賈
似道傳鄭庸臣監押賈似道舟次南劍州黥淡灘虎臣
曰水清甚何不死於此似道曰太皇太后許我不死侯
有詔即死至潭州木棉菴庸臣曰吾為天下殺似道
難死不恨拘其子與妾於別所即厠上拉其胸殺之道

沈劄子辭

李芾守潭州命劄子殺一家妻子既殺芾家人亦
殺自家人積屍一處焚之復自殺劄子姓沈名忠
吁忠一獄丁耳剛腸勁節乃得與一代忠義臣附

名於史傳亦足偉哉

沈劄子人中豪手執法家三尺刀誓言不食刀生毛常拔劍七罵荆高首披曼胡揮孟勞怒碎佞肉為鵜膏潭州安撫脫戰袍身與城斃無遁逃夜呼爾劄話白旄上及笄珥下髮髦蒼精一動捫赤絛鋒如猛將鑒蘭膏劉焦夏呂方華高犬尻羊膝朝北朝上方之劍不使操嗚呼上方之劍不使操

宋史李芾傳元兵以除夕日登城芾坐雉閣召帳下沈忠諭曰吾分義當死第不可辱及吾家汝可盡殺家人而後及我忠伏地叩頭固命之涕泣許諾取酒飲家人醉乃徧刃之芾亦引頸受刃畢縱火焚其居忠還家殺其妻子至火時大慟亦自刎荆高荆軻高漸離也權德輿劉濟墓誌被縵胡而揮孟勞註孟勞魯寶刀也通

鑑理宗景定二年劉整以瀘州叛降蒙古度宗咸淳九年呂文煥以襄陽降元帝昀德祐二年夏貴以淮西降元元詩選註方回字萬里號虛谷景定中登第知嚴州降元焦謂煥炎華謂岳高謂應嵩皆宋臣降元者

冬青塚

老羝夜射錢塘潮天山兩乳王氣消禿妖尚厭龍席怪浮圖千尺高嵒堯文山老客智且勇夜舟拔山山不動江南石馬久不嘶塚上冬青今已拱百年父老憤填胸不知巧手奪化工冬青之木鬱葱葱六檟樹更蒲門東

紹興府志元至元中西僧楊璉真珙奏發諸陵唐林二義士埋宋陵骸骨於天章寺前六陵各為穴上植冬青樹六株唐名珙字玉潜林名德賜字景曦歸霽山收宋諸陵骨事據元羅雲卿撰唐義士傳則以為唐王潜探鄭元祐書林義士事蹟則以為林景曦張丁跋謝翱冬青樹引謂聞之王文献者又以為王修竹疑二人本協

謀而王脩竹名英孫嘗延致景曦要亦與聞其謀者也
當收骨時事甚秘姓名互傳若此謝翱字卓羽福建人
文丞相客也嘗為文丞相作西臺慟哭記與珏友善感
其事為作冬青樹引左傳季孫為已樹六楨於蒲圃東
門之外杜預註蒲圃場圃
名季文子樹楨欲自為櫬

樓厚樽宗夏校